

四庫全書

子部

欽定四庫全書

冊府元龜卷七百三十三 宋 王欽若等 撰

陪臣部

智識第二

叔詹鄭大夫也晉公子重耳出奔過鄭鄭文公弗禮叔詹諫其君曰晉公子賢而其從者皆國相且又同姓鄭之出自厲王而晉之出自武王鄭君曰諸侯亡公子過此者衆安可盡禮叔詹曰君不禮不如殺之且後爲國

患鄭君不聽晉重耳返國是爲文公以無禮討鄭

申繻魯大夫也初內蛇與外蛇鬪於鄭南門中內蛇死  
六年而厲公入公聞之問於申繻曰猶有妖乎對曰人

之所忌其氣燄以取之妖繇人興也

尚書洛誥無若火始燄未盛而進

退之時以喻人心不堅正

人無釁焉妖不自作人棄常則妖興故有

妖

孔叔鄭大夫諸侯盟王使周公召鄭伯曰吾撫女以從

楚輔之以晉可以少安

周公宰孔也王恨齊桓定太子之位故召鄭伯使叛齊也晉楚

不服於齊故  
以鎮安鄭  
鄭伯喜於王命而懼其不朝於齊也故逃

歸不盟孔叔止之曰國君不可以輕輕則失親

親黨携也

失

親患必至患而乞盟所喪多矣君必悔之弗聽逃其師而歸明年諸侯伐鄭

子良鄭大夫也宣公九年初楚子爲厲之役故伐鄭

六年

楚伐鄭取成於厲既成鄭伯逃歸

晉卻缺救鄭鄭伯敗楚師於柳林

柳林

鄭國人皆喜惟子良憂曰是國之災也吾死無日矣

自是

晉楚交兵伐鄭十二年

卒有楚子入鄭之禍

子展鄭大夫也襄公二十九年葬周靈王鄭上卿有事

子展使印段往伯有曰弱不可

印段年少官卑

子展曰與其莫

往弱不猶愈乎詩云王事靡盬不遑啓處

詩小雅盬不堅固也啓疏

也言王事無不堅固不暇啓處

東西南北誰敢寧處

謂上卿

堅事晉楚以

蕃王室也

言我國事晉楚乃所以藩屏王室

王事無曠何常之有遂使

印段如周

傳言周表卑於晉楚

又魯襄公二十二年十二月游販

將歸晉

游販公孫蕢子

未出竟遭逆妻者奪之以館于邑

舍之其邑

不復行

丁巳其夫攻子明殺之

子明即游販

以其妻行

十二月無丁巳

丁巳十一月十四日也 子展廢良而立太叔良游販子太叔販弟曰國卿君

之貳也民之主也不可以苟請舍子明之類子明有罪而良又不

賢求亡妻者使復其所使游氏勿怨鄭國不討專殺之人所以抑強扶弱

臨時之宜曰無昭惡也交怨則父之不修益明也

子產鄭大夫子國之子襄公八年鄭人欲媚於晉使子

國子耳侵蔡獲蔡司馬公子燮鄭侵蔡欲以求媚於晉子耳子良之子不言敗

故以獲告鄭人皆喜子產曰小國無文德而有武功禍莫大

焉楚人來討能勿從乎從之晉師必至晉楚伐鄭自今

鄭國不四五年弗得寧矣子國怒之曰爾何知國有大

命而有正卿童子言焉將爲戮矣

大命起師  
行軍之命

又鄭簡公

三年鄭相子駟欲自立爲君子孔使尉子殺相子駟而

代之子孔又欲自立子產曰子駟爲不可誅之今又效

之是亂無時息也於是子孔從之而相鄭簡公又襄公

十年子孔當國

代子  
駟

爲載書以位序聽政辟

自羣卿諸  
司各守其

職位以受執政之  
法不得與朝政

大夫諸司門子弗順將誅之

子孔欲  
誅不順

者子產止之請爲之焚書

既止子孔又勸  
今燒除載書

子孔不可曰

爲書以定國衆怒而焚之是衆爲政也國不亦難乎

以難

至治

子產曰衆怒難犯專欲難成合二難以安國危之道

也不如焚書以安衆子得所欲

欲爲政也

衆亦得安不亦可

乎專欲無成犯衆興禍子必從之乃焚書於倉門之外

衆而後定

不於朝內燒欲使遠近見所燒

其年鄭尉止作亂殺子國子

耳子西聞盜不做而出

子西公孫夏子駟子

尸而追盜

先臨尸盜而追賊

入於北宮乃歸授甲臣妾多逃器用多喪子產聞盜爲

門者

置守門

庀羣司

具來官

閉府庫慎閉藏完守備成列而

後出兵車十七乘

千二百七十五人

尸而攻盜於北宮子驕帥

國人助之殺尉止子師僕盜衆盡死侯晉奔堵女父

司臣尉翩司齊奔宋

尉翩尉止子司齊司成子

又襄二十六年楚子

及秦人侵鄭印董父與皇頡戍城麋

印董父鄭大夫

楚人囚之

以獻於秦鄭人取貨於印氏以請之子太叔爲令正

主作

辭令之正

以爲請子產曰不獲

謂太叔辭以貨請董父必不得

受楚之功而

取貨於鄭不可謂國秦其不然

受楚麻功大名也以貨免之小利故謂秦不爾

若曰拜君之勤鄭國微君之惠楚師其猶在敝邑之城

下其可

辭如此董父可得

弗從遂行秦人不予更幣從子產而

獲之

更遣使執幣用子產辭乃得董父傳稱子產之善

又楚子伐鄭鄭人將禦

之子產曰晉楚將平諸侯將和楚王是故昧於一來

謂昧

貪昧不如使逞而歸乃易成也

逞快也

夫小人之性繫於勇

嗇於禍以足其性而求名焉者非國家之利也若何從

之

繫動也嗇貪也言鄭之故與楚戰者皆繫事勇名之人非能爲國計慮久利不可從也

子展說

不禦寇子產相鄭伯以如晉叔向問鄭國之政焉對曰

吾得見與否在此歲也駟良方爭未知所成

駟氏子哲也良氏伯

有也若有所成吾得見乃可知也叔向曰不既和矣乎對

曰伯有侈而愾愾狠也子皙好在人上莫能相下也雖其

和也猶將積惡也惡至無日矣此年秋良霄出奔襄公三十年

子產爲政有事伯石賂與之邑伯石公孫段有事欲使之子太叔曰

國皆其國也奚獨賂與焉言鄭大夫共憂鄭國事奚爲獨賂之子產曰無

欲實難言人不能無欲皆得其欲以從其事而要其成非我有

成其在人乎言成猶在我非在人也何愛於邑邑將焉往言猶在國子

太叔曰若四國何恐爲四鄰所笑子產曰非相違也而相從也

言賂以邑  
欲為和順

四國何尤焉鄭書有之

鄭國史書

曰安定國家必

大馬先

先和大族而  
後國家安

姑先安大以待其所歸

要其成也

既伯

石懼而歸邑卒與之

卒終也

伯有既死使太史命伯石為

卿辭太史退則請命焉

請太史更命已

復命之又辭如是三乃

受策入拜子產以是惡其為人

惡其虛飾

使次已位

畏其作亂

故寵之

襄三十一年子皮欲使尹何為邑

為邑大夫

子產曰少

未知可否

尹何年少

子皮曰愿吾愛之不吾叛也

愿謹善也

使夫徃

而學焉夫亦愈知治矣

夫謂尹何

子產曰不可人之愛人求

利之也今吾子愛人則以政

以政與之

猶未能操刀而使割

也其傷實多

多自傷

子之愛人傷之而已其誰敢求愛於

子子於鄭國棟也棟折榱崩僑將厭焉敢不盡言子有

美錦不使人學製焉

製裁也

大官大邑身之所庇也而使

學者製焉其爲美錦不亦多乎

言官邑之重多於美錦

僑聞學而

後入政未聞以政學者也若果行此必有所害譬如田

獵射御貫則能獲禽

貫習也

若未嘗登車射御則敗績厭

覆是懼何暇思獲子皮曰善哉虎不敏吾聞君子務知

大者遠者小人務知小者近者我小人也衣服附在吾身我知而慎之大官大邑所以庇身也我遠而慢

慢易

之

微子言吾不知也他日我曰子爲鄭國我爲吾家以庇

馬其可也今而後知不足

自知謀慮不足謀其家

自今請雖吾家

聽子而行子產曰人心之不同如其面焉吾豈敢謂子

面如吾面乎抑心所謂危亦以告也子皮以爲忠故委

政焉子產是以能爲鄭國

傳言子產之治乃子皮之力

其年鄭人游

於鄉校

鄉之學校

以論執政

論其得失

然明謂子產曰毀鄉校何

如

患人於中  
謗議國政

子產曰何爲夫人朝夕退而游焉以議執

政之善否其所善者吾則行之其所惡者吾則改之是

吾師也若之何毀之吾聞忠善以損怨

爲忠善則  
怨謗息

不聞

作威以防怨

欲毀柳校  
即作威

豈不遽止然猶防川

遽畏  
懼也

大決

所犯傷人必多吾不克救也不如小決使道

道通也

不如

吾聞而藥之也

以爲  
藥石

然明白茂也今而後知吾子之信

可事也小人實不才若果行此其鄭國實賴之豈惟二

三臣仲尼聞是語也曰以是觀之人謂子產不仁吾不

信也

仲尼以二十二年生於  
是十歲長而後聞之

昭公元年游吉如楚葬郟

敖且聘立君歸謂子產曰具行器矣

行器  
曾備

楚王汰侈而

自說其事必合諸侯吾往無日矣子產曰不數年未能

也昭公四年楚子使椒舉如晉求諸侯楚子問於子產

曰晉其許我諸侯乎對曰許君晉君少安不在諸侯

於安

小小不  
能遠圖

其大夫多求

貪也

莫匡其君在宋之盟又曰如一

晉楚  
同也

若不許君將焉用之

焉用  
宋盟

王曰諸侯其來乎對曰

必來從宋之盟承君之歡不畏大國何故不來

大國  
晉也

來者其魯衛曹邾乎曹畏宋邾畏魯魯衛偏於齊而親

於晉唯是不來其餘君之所及也誰敢不至

言楚威力所能及

王曰然則吾所求者無不可乎對曰求逞於人不可

逞快

也求人以快意人必違之

與人同欲盡濟申之會魯衛曹邾不會其

年子產作丘賦國人謗之子產曰何害苟利社稷死生

以之吾不遷矣

遷移也

渾罕曰

渾罕子寬

國氏其先亡乎君子

作法於涼其敝猶貪

涼薄也

作法於貪敝將若之何

言不可久

行姬在列者

在列國也

蔡及曹滕其先亡乎偏而無禮

蔡偏楚曹

滕偏

鄭先衛亡偏而無法

偏音楚

政不率法而制於心民

各有心何上之有

子產權時救急  
渾罕譏之正道

昭公七年子產聘於

晉爲豐施歸州田於宣子

豐施鄭公孫段之子  
三年晉以州田賜段

曰日君

以夫公孫段爲能任其事而賜之州田今無祿早世不

獲久享君德其子弗敢有不敢以聞於君私致諸子

此

正月公  
孫段卒

宣子辭子產曰古人有言曰其父析薪其子弗

克負荷

荷擔也以微  
薄喻重責

施將懼弗能任其先人之祿其况

能任大國之賜縱吾子爲政而可後之人若屬有疆場

之言敵邑獲戾

恐後代宣子者將以鄭取晉邑罪鄭

而豐氏受其大討吾

子取州是免敵邑於戾而建置豐氏也敢以爲請

傳言子產

貞而不諒

宣子受之以告晉侯晉侯以與宣子宣子爲初言

病有之

初言謂與趙文子爭州田

以易原縣於樂大心

樂大心宋大夫原晉邑以

賜樂大心也

魯昭公十一年秋會于厥憇謀救蔡也

不書救蔡不果

救

鄭子皮將行子產曰行不遠不能救蔡也蔡小而

順楚大而不德天將棄蔡以壅楚盈而罰之

盈楚惡

蔡必

亡矣且喪君而能守者鮮矣三年王其有咎乎美惡周

必復王惡周矣

元年楚子弒君而立歲在大梁後三年十三歲歲星周復于大梁

晉人

使狐父請蔡于楚弗許

狐父晉大夫

昭公十三年晉會諸侯

同盟于平丘齊服也令諸侯日中造于除

除地為壇盟會處

癸

酉退朝

先盟朝晉

子產命外僕速張于除

張帷幕

子太叔止之

使待明日及夕子產聞其未張也使速往乃無所張矣

地已滿也傳言子產每事敏于太叔

十六年鄭大旱使屠擊祝款豎柎有

事於桑山

三子鄭大夫有事祭也

斬其木不雨子產曰有事於山

藝山林也

當藝養令繁殖

而斬其木其罪大矣奪之官邑鄭裨

竈言於子產曰宋衛陳鄭將同日火若我用瓘玉瓚

鄭必不火

瓘玉爵也瓚瓚也欲以禳火

子產弗與

以爲天灾流行非禳所息故也

明年五月宋衛陳鄭皆火禪竈曰不用吾言鄭又將火

前年禪竈欲用瓘玉瓚火

子產不聽今復請用之

鄭人請用之

信竈言

子產不可

子太叔曰寶以保民也若有火國幾亡可以救亡子何

愛焉子產曰天道遠人道邇非所及也何以知之竈焉

知天道是亦多言矣豈不或信

多言者或時有中

遂不與亦不

復火

傳言天道難明雖禪竈猶不足以盡知之

鄭之未灾也里析告子產曰

將有大祥

里析鄭大夫祥變異之氣

民震動國幾亡吾身泯焉弗良

及也

言將先死

國遷其可乎子產曰雖可吾不足以定遷

矣

子產知天災不可逃非遷所免故託以知不足

昭公十六年晉宣子有環其

一在鄭商

玉人同工共朴成此雙環

宣子謁諸鄭伯

謁請也

子產弗與

曰非官府之守器也寡君不知子太叔子羽謂子產曰

韓子亦無幾求

言所求少

晉國亦未可以貳晉國韓子不可

偷也

偷薄也

若屬有讒人交鬪其間鬼神而助之以興其

凶怒悔之何及吾子何愛於一環其以取憎於大國也

盡求而與之子產曰吾非偷晉而有二心將終事之是以弗與忠信故也僑聞君子非無賄之難立而無令名之患僑聞爲國非不能事大字小之難無禮以定其位之患夫大國之人令於小國而皆獲其求將何以給之一共一否爲罪滋大也滋益大國之求無禮以斥之何饜之有吾且爲鄙邑則失位矣不復成國若韓子奉命以使而求玉焉貪淫甚矣獨非罪乎出一玉以起二罪吾又失位韓子成貪將焉用之且吾以玉賈罪不亦銳乎銳細小也

韓子買諸賈人既成賈矣商人曰必告君大夫韓子請

諸子產曰日起

起宣子名

請夫環執政弗義弗敢復也

復重求也

今買諸商人商人曰必以聞敢以爲請子產對曰昔我

先君桓公與商人皆出自周

鄭本在周畿內桓公東遷并與商人俱

庸次

比耦

庸用也用次更相從耦耕

以艾殺此地斬之蓬蒿藜藿而共處

之世有盟誓以相信也曰爾無我叛我無強賈

無強市其物

毋或自奪爾有利市寶賄我勿與知恃此質誓故能相

保以至于今今吾子以好來辱而謂敝邑強奪商人是

教敵邑背盟誓也母乃不可乎吾子得玉而失諸侯必

不爲也若大國令而共無藝

藝法也

鄭鄙邑也亦弗爲也不欲

爲鄙邑之事

僑若獻玉不知所成敢私布之

布陳也

韓子辭玉

曰起不敏敢求玉以徼二罪敢辭之

傳言子產知禮宣子能改過

昭

公十九年鄭大水龍鬪於時門之外洧淵

時門鄭城門也洧水出滎

陽密縣東南至潁川長平入潁

國人請爲禱焉子產弗許曰我鬪龍不

我覲也

覲見也

龍鬪我獨何覲焉禳之則彼其室也

淵龍之室

吾無求於龍龍亦無求於我乃止也

傳言子產之知

昭公十年

鄭子皮如晉葬平公將以幣行

見新君之贄

子產曰喪焉用幣

用幣必百兩

載幣用車百乘

百兩必千人千人至將不行

行用也

不行必盡用之

不得見新君將自費用盡

幾千人而國不亡

言千人之費不

可子皮固請以行既葬諸侯之大夫欲因見新君叔孫

昭子曰非禮也弗聽叔向辭之曰大夫之事畢矣

送葬禮畢

而又命狐狐斬焉在纒經之中

既葬未卒哭故猶服斬衰

其以嘉服

見則喪禮未畢其以喪服見是重受弔也大夫將若之

何皆無辭以見子皮盡用其幣歸謂子羽曰非知之實

難將在行之

言不患不知  
患不能行

夫子知之矣我則不足

言己  
錄子

產之戒既知其不可而  
逆行之是我之不足

書曰欲敗度縱敗禮

商書

我之謂

矣夫子知度與禮矣我實縱欲而不能自克也

欲因  
喪以

慶新君故縱而  
行之不能自勝

子羽鄭大夫也襄公二十九年楚却敖即位

却敖康王  
子熊麋也

王子圍爲令尹

圍康  
王弟

子羽曰是謂不宜必代之昌松栢

之下其草不殖

言楚君弱令尹強物不  
兩盛昭元年圍殺却敖

昭元年楚公子

圍聘于鄭且娶於公孫段氏伍舉爲介

伍舉椒舉  
介副也

將入

館

就客舍

鄭人惡之

知楚懷詐

使行人子羽與之言乃館於外

舍城外

既聘將以衆逆

以兵入逆婦

子產患之使子羽辭曰以

敝邑褊小不足以容從者請墀聽命

欲以城外除地為壇行昏禮

令

尹命太宰伯州犂對曰君辱貺寡大夫圍謂圍將使豐

氏撫有而室

豐氏公孫段

圍布几筵告於莊共之廟而來

莊王

為之祖共王為之父

若野賜之是委君貺於草莽也是寡大夫不

得列於諸卿也

言不得從卿禮

不寧惟是又使圍蒙其先君

蒙欺

也告先君而來不得禮於女氏之廟故以為欺先君

將不得為寡君老

大臣稱老懼辱命而

黜退其蔑以復矣惟大夫圖之子羽曰小國無罪恃實其

罪

恃大國而無  
恪則是罪

將恃大國之安靜已而無乃包藏禍心

以圖之小國失恃而懲諸侯使莫不憾者距違君命而

有所壅塞不行是懼

言已失所恃則諸侯懲恨以  
距君命壅塞不行所懼惟此

不然

敵邑館人之屬也

館人守  
舍人也

其敢愛豐氏之祧

祧遠  
祖廟

伍舉

知其有備也請垂橐而入

垂橐示  
無弓

許之入逆而出

子太叔鄭大夫也楚子使蓬射城州屈復茹人矣

還復  
茹人

於州城丘皇遷訾人焉

移訾人  
於州皇

使熊相楅郭巢季然郭

卷

使二大夫爲巢卷巢郭也卷城在南陽華縣南

子太叔聞之曰楚王將死矣

使民而不安其土民必憂憂將及王弗能久矣

駟引鄭大夫也晉荀瑩帥師圍鄭未至鄭駟引曰知伯

愾而好勝是下之則可行也

行去聲

乃先保南里以恃之

曹劌魯人也莊公十年齊師伐魯莊公將戰曹劌請見

其鄉人曰肉食者謀之又何間焉

肉食在位者間猶與也

劌曰肉

食者鄙未能遠謀乃入見問何以戰公曰衣食所安弗

敢專也必以分人對曰小惠未徧民弗從也

今公衣食所惠不過

左右故曰未徧

公曰犧牲玉帛弗敢加也必以信

祝辭不敢以小爲大以惡

美爲

對曰小信未孚神弗福也

孚大信也

公曰小大之獄雖不

能察必以情

必盡已情察審也

對曰忠之屬也

上思利民忠也

可以一

戰戰則請從公與之乘

共乘兵車

戰于長勺公將鼓之劄曰

未可齊人三鼓劄曰可矣齊師敗績公將馳之劄曰未

可下視其轍

視車跡也

登軾而望之曰可矣遂逐齊師既克

公問其故對曰夫戰勇氣也一鼓作氣再而衰三而竭

彼竭我盈故克之夫大國難測也懼有伏焉

恐詐也

吾視

其轍亂望其旗靡故逐之

臧文仲魯大夫也僖公二十年宋襄公欲合諸侯文仲

聞之曰以欲從人則可

屈己之欲從衆之善

以人從欲鮮濟齊國

莊子來聘於魯自郊勞至于贈賄禮成而加之以敏

來迎

曰郊勞送去曰贈賄敏審當於事

臧文仲言於公曰國子爲政齊猶有

禮君其朝焉臣聞之服有禮社稷之衛也公如齊

縣子魯大夫歲旱穆公召而問焉

凡穆公或作繆公

曰天久不

雨吾欲暴尫而奚若

奚若何如也尫者面鄉天覲天哀而雨之

曰天則不雨

而暴人之疾子虐母乃不可與

錮疾人之所哀暴之是虐

然則吾欲

暴巫而奚若曰天則不雨而望之愚婦人於以求之母

乃已疏乎

己猶甚也巫主接神亦觀天哀而雨之春秋傳說巫曰在女曰巫在男曰覡周禮大巫旱

曠則舞雩也

徙市則奚若曰天子崩巷市七日諸侯薨巷市

三日爲之徙市不亦可乎

徙市者庶人之喪禮令徙市是憂戚於早若喪

公子偃魯大夫也莊公十年齊師宋師伐魯次於郎公

子偃曰宋師不整可敗也宋敗齊必還請擊之魯莊公

弗許自雩門竊出蒙臯比而先犯之

雩門魯南城門臯比虎皮

公從

之大敗宋師於乘丘齊師乃還

季文子魯大夫也文公十五年初齊侯侵魯遂伐曹討

其朝魯也季文子曰齊侯其不免乎已則無禮

執王使而伐無

罪而討於有禮者曰女何故行禮禮以順天天之道也

已則反天之道而又以討人難以免矣詩曰胡不相畏

不畏于天

詩小雅

君子之不虐幼賤畏于天也在周頌曰

畏天之威于時保之

詩周頌言畏天威於是保福祿

不畏于天將何能

保以亂取國奉禮以守猶懼不終多行無禮弗能在矣

十八年齊人弑其君商人成公七年吳伐郟郟成季文

子曰中國不振旅蠻夷入伐而莫之或恤振整也無弔旅衆也

者也夫

言中國不能相恤  
恤故夷狄內侵

詩曰不弔昊天亂靡有定其

此之謂與

詩小雅刺在上者不能  
弔愍下民故號天告亂

有上不弔其誰不受

亂

主謂  
霸主

吾亡無日矣君子曰知懼如是斯不亡矣成公

八年晉侯使韓穿來言汶陽之田歸之于齊季文子餞

之

餞送行  
飲酒

私焉

私與  
之言

曰大國制義以爲盟主是以諸侯

懷德畏討無有貳心謂汶陽之田敝邑之舊也而用師

於齊使歸諸敝邑

用師鞍之戰

今有二命曰歸諸齊信以行

義義以成命小國所望而懷也信不可知義無所立四

方諸侯其誰不解體

言不復肅敬於晉

詩曰女也不爽士貳其

行士也周極二三其德

爽差也極中也詩衛風婦人怨丈夫不一其行喻魯事晉猶女之

事夫不敢過差而晉有周極之心反二三其德

七年之中一予一奪二三孰甚

馬士之二三猶喪妃耦而况霸主霸主將德是以

以用也

而二三之其何以長有諸侯乎詩曰猶之未遠是用大

簡

猶圖也簡諫也詩大雅言王者圖事不遠故用大道諫之

行父懼晉之不遠猶而

失諸侯也是以敢私言之

季武子魯大夫也襄公三十年魯使者在晉晉趙孟以

絳縣人爲絳縣師於是歸以語諸大夫季武子曰晉未

可偷也

偷薄也

有趙孟以爲大夫有伯瑕以爲佐

伯瑕士文伯

有史趙師曠而咨度焉有叔向女齊以師保其君其朝  
多君子其庸可偷乎勉事之而後可

孟獻子魯大夫也聘於晉宣子觴之三徒鐘石之懸不  
移而具獻子曰富家哉宣子曰子之家孰與我家富獻

子曰吾家甚貧惟有二士曰顏向慈無靈者使吾邦家  
安平百姓和協惟此二者耳吾盡於此矣獻子出宣子  
曰彼君子也以畜賢爲富我鄙人也以鐘石金玉爲富  
孔子曰孟獻子之富可著於春秋宣公十四年楚伐宋  
孟獻子言于宣公曰臣聞小國之免於大國也聘而獻

物

物玉帛  
皮幣也

於是庭實旅百

主人亦設豆百  
品實於庭以答賓

朝而獻

功

獻其治國者征  
伐之功於牧伯

於是容貌采章嘉淑而有加貨

容貌

威儀容貌也采章車服文章也嘉淑令辭稱  
贊也加貨命宥幣帛也言往共則來報亦備

謀其不免

也誅而薦賄則無及也

薦進也見責而往則不足解罪

今楚在宋君其

圖之公說

明年歸父會楚子于宋

襄公二年秋仲孫蔑會晉荀偃

宋華元衛孫林父曹人邾人于戚孟獻子曰請城虎牢

以偪鄭

虎牢舊鄭邑今屬晉

知武子曰善鄆之會吾子聞崔子之

言今不來矣

元年孟獻子與齊崔杼次于鄆崔杼有不服晉之言獻子以告知武子

滕薛

小邾之不至皆齊故也

三國齊之屬

寡君之憂不惟鄭

言復憂齊

叛 瑩將復於寡君而請於齊

以城事白晉君而請齊會之欲以觀齊志

得請

而告吾子之功也

得請謂齊人應命告諸侯會築虎牢

若不得請事將在

齊

將伐齊

吾子之請諸侯之福也

城虎牢足以服鄭息征伐

豈唯寡君

賴之

傳言荀躒能用善謀

冬復會于戚齊崔武子及滕薛小邾之

大夫皆會知武子之言故也

武子言事將在齊齊人懼帥小國而會之

遂城

虎牢鄭人乃成

如孟獻子之謀

又襄公七年夏四月三卜郊不

從乃免牲獻子曰吾乃今而後知有卜筮夫郊祀后稷

以祈農事也

郊祀后稷以配天后稷周始祖能播植者

是故啓蟄而郊郊而

後耕今既耕而卜郊宜其不從也

啓蟄夏正建寅之月耕謂春分

晉使

卻錡來乞師將事不敬

將事致君命

孟獻子曰卻氏其亡乎

禮身之幹也敬身之基也卻子無基且先君之嗣卿也受命以求師將社稷是衛而惰棄君命也不亡何爲

卻

卻克子故曰嗣卿

後晉果殺卻錡

叔孫穆子魯大夫也號之會諸侯之大夫尋盟未退季武子伐莒取鄆莒人告於會楚人將以叔孫穆子爲戮晉樂王鮒求貨於穆子曰吾爲子請於楚穆子不予梁其蹃謂穆子曰有貨以衛身也出貨而可以免子何愛焉穆子曰非女所知也承君命以會大事而國有罪我

以貨私免是我會吾私也苟如是則又可以出貨而成  
私欲乎雖可以免吾其若諸侯之事何夫必將或循之  
曰諸侯之卿有然者故也則我求安身而爲諸侯法矣  
君子是以患作作而不衷將或導之是昭其不衷也余  
非愛貨惡不衷也且罪非我之繇爲戮何害楚人乃赦  
之又衛孫文子來聘且拜武子之言而尋孫桓子之盟  
盟在成  
三年 公登亦登 禮登階臣後君一等 叔孫穆子相趨進曰諸侯  
之會寡君未嘗後衛君 敵體並登 今吾子不後寡君寡君未

知所過吾子必少安

安徐也

孫子無辭亦無悛容

悛改也

穆

叔曰孫子必亡爲臣而君過不悛亡之本也詩曰退食

自公委蛇委蛇

委蛇順貌詩召南言人臣自公門入私門無不順禮

謂從者也

從順

也 衡而委蛇必折

衡橫也橫不順道必毀折其後林父逐君

又魯襄公在楚

楚人使公親禴

諸侯有遣使贈禴之禮今楚欲依遣使之禮

公患之穆叔曰

禴殯而禴則布幣也

先使巫禴除殯之凶邪而行禴禮與朝而布幣無異

乃使巫

以桃茢先禴殯

茢黍稷

楚人弗禁既而悔之又楚子却敖

即位襄公三十年使遠罷聘魯穆叔問王子之爲政何

如

王子圍  
爲令尹

對曰吾儕小人食而聽事猶懼不給命而不

免於戾焉與知政固問焉不告穆叔告大夫曰楚令尹

將有大事子蕩將與焉

子蕩  
遂罷

助之匿其情矣

子圍素貴  
知教微弱

諸侯皆知其將爲  
亂故穆叔問之

其後圍弑却敖澶淵之會穆叔至自

會見孟孝伯語之曰晉趙孟將死矣其語偷不似民主

偷苟

且年未盈五十而諄諄焉如八九十者弗能久矣

成二年戰於鞍趙朔已死於是趙文子始生至襄  
公三十年會澶淵蓋年四十七八故言未盈五十

若趙

孟死爲政者其韓子乎

韓子  
韓起

吾子盍與季孫言之可以

樹善君子也

言韓起有君子之德今方知政可素往立善

晉君將失政矣若

不樹焉使早備魯

使韓子早為魯備

既而政在大夫韓子懦弱

大夫多貪求欲無厭齊楚未足與也魯其懼哉孝伯曰

人生幾何誰能無偷朝不及夕將安用樹穆叔出而告

人曰孟孫將死矣吾語諸趙孟之偷也而又甚焉

言朝不及

夕偷之甚也

又與季孫語晉故

知與孟孫言

季孫不從及趙文子

卒

在昭公元年

晉公室卑政在侈家韓宣子爲政不能圖諸

侯魯不堪晉求饒隱弘多是以有平丘之會又昭公三

年小邾穆公來朝季武子欲卑之

不欲以諸侯禮待之

穆子曰不可

曹滕二邾實不忘我好敬以逆之猶懼其貳又卑一睦

焉

一睦謂小邾

逆羣好也其如舊而加敬焉志曰能敬無灾

又曰敬逆來者天所福也季孫從之又襄公二十八年

崔杼弑其君而後自縊齊人求杼尸將戮之不得叔孫

穆子曰必得之武王有亂臣十人

亂治也

崔杼其有乎不

十人不足以葬既崔氏之臣曰與我拱璧吾獻其柩於

是得之

襄仲魯大夫也如齊拜穀之盟復曰臣聞齊人將食魯之麥以臣觀之將不能齊君之語偷臧文仲有言曰民主偷必死明年齊人弑懿公

臧武仲魯大夫也襄公四年陳成公卒楚人將伐陳聞

喪乃止

軍禮不伐喪

陳人不聽命

不聽楚命

臧武仲聞之曰陳不

服於楚必亡大國行禮而不服在大猶有咎而况小乎楚彭名侵陳陳無禮故也又襄公十四年衛侯奔齊在邾武仲如齊唁衛侯衛侯與之言虐退而告其人曰衛

侯其不得入矣其言糞土也亡而不變何以復國子展

子鮮聞之見武仲與之言道

順道理

臧孫說謂其人曰衛

君必入夫二子者或執之或推之欲無入得乎又襄公

十九年季武子以所得於齊之兵作林鍾而銘魯功焉

林鍾律名鑄鐘聲應林鍾因以爲名

武仲謂季孫曰非禮也夫銘天子令

德

天子銘德不銘功

諸侯言時計功

舉得時動有功則可銘也

大夫稱伐

銘其

功伐之勞

今稱伐則下等也

從大夫故

計功則借人也

借晉力也

言時

則妨民多矣何以爲銘且夫大伐小取其所得以作彝

器

尋常也謂鐘鼎  
為宗廟之常器

銘其功烈以示子孫昭明德而懲無

禮也今將借人之力以救其死若之何銘之小國幸於

大國

以勝大  
國為幸

而昭所獲焉以怒之亡之道也

孟公綽魯大夫也襄公二十五年齊崔杼師師伐我北

鄙以報孝伯之師

前年魯使孟孝  
伯為晉伐齊

公患之使告于晉孟

公綽曰崔子將有大志不在病我必速歸何患焉其來

也不寇

不為  
寇害

使民不嚴

欲得  
民心

異於他日齊師徒歸

徒空  
也

展莊叔魯大夫也襄二十八年齊慶封奔魯獻車於季

武子美澤可以鑑

光鑑形也

莊展叔見之曰車甚澤人必瘁

宜其亡也

叔弓魯大夫也昭二年聘於晉晉侯使郊勞

聘禮賓至近郊君使

卿勞辭曰寡君使弓來繼舊好固曰女無敢爲賓徹命

於執事敝邑弘矣

徹達也

敢辱郊使請辭

辭郊勞

致館辭曰

寡君命下臣來繼舊好好合使成臣之祿也

得適君命則於己爲

祭祿

敢辱大館

敢不敢也

叔向曰子叔子知禮哉吾聞之曰忠

信禮之器也卑讓禮之宗也

宗猶主也

辭不忘國忠信也

謂稱

好舊先國後已卑讓也

始稱敵邑之宏先國也  
次稱臣之祿後已也

詩曰敬慎

威儀以近有德夫子近德矣

子服惠伯魯大夫也昭公七年楚子成章華之臺願與

諸侯落之遂啓疆來召魯昭公公將往臺襄公祖

祖祭道祖

梓慎曰君不果行襄公之適楚也臺周公祖而行今襄

公實祖君其不行子服惠伯曰行先君未嘗適楚故周

公祖以道之襄公適楚矣而祖以道若不行何之後公

如楚

叔孫昭子魯大夫也魯昭公二十年二月己丑日南至

是歲朔旦冬至之歲也當言正月己丑朔日南至史失閏閏更在二月後故經因史書正月傳更具於二月記

南至日以正厯也

梓慎望氛

氛氣也時魯侯不行登臺之禮使梓慎望氛

曰今茲宋

有亂國幾亡三年而後弭蔡有大喪

後宋華向出奔蔡侯卒

叔孫

昭子曰然則戴桓也

戴族華氏桓族向氏

汰侈無禮已甚亂所在

也

傳言妖蘇人興

二十一年宋華亥向寧華定自陳入于南里

以叛先是九年冬築郎囿季平子欲其速成也叔孫昭

子曰詩曰經始勿亟庶民子來

詩大雅言文王始經營壘臺非急疾之衆民自

以子義來  
歡樂為之

焉用速成其以勦民也

勦勞也

無囿猶可無民

其可乎

叔仲昭伯魯大夫也從襄公如楚及漢聞康王卒欲還  
叔仲昭伯曰君之來也非為一人也為其名與其眾也  
今王死其名未改其眾未敗何為還諸大夫皆欲還子  
服惠伯曰不知所為姑從君乎叔仲曰子之來也非欲  
安身也為國家之利也故不憚勤遠而聽於楚非義楚  
也畏其名與眾也夫義人者固慶其喜而弔其憂况畏

而服乎聞畏而往聞喪而還苟羊姓實嗣其誰代之任  
喪王太子又長矣執政未改子爲先君來死而去之其  
誰曰不如先君將爲喪舉聞喪而還其誰曰非侮也事  
其君而任其政其誰曰己貳求說其侮而亟於前之人  
其讐不滋大乎說侮不懦執政不貳帥大讐以憚小國  
其誰云待之若從君而走患則不如違君以避難且夫  
君子計成而後行二三子計乎有禦楚之術而有守國  
之備乎則可也若未有不如往也乃遂行

子家羈魯大夫也魯昭公二十五年昭公伐季氏平子登臺而請曰君不察臣之罪使有司討以干戈臣請待

於沂上以察罪弗許

魯城南有沂水平子欲出城待罪也大沂水出蓋縣南至下邳入泗

請囚於費弗許請以五乘亡弗許子家子曰君其許之

政自之出久矣隱民多取食焉

隱約窮困

爲之徒者衆矣日

入慝作弗可知也

慝姦惡也日冥姦人將起其衆助季氏不可知也

衆怒不可

蓄也

季氏衆

蓄而弗治將蘊

蘊積也

蘊蓄民將生心生心同

求將合

與季氏同求叛君者

君必悔之弗聽卣孫曰必殺之公使

郈孫逆孟懿子

懿子仲孫何忌

叔孫氏之司馬驥戾言於其衆

曰若之何莫對

衆疑所助

又曰我家臣也不敢知國凡有季

氏與無於我孰利皆曰無季氏是無叔孫氏也驥戾曰

然則救諸帥徒以往陷西北隅以入

陷公圍也

公徒釋甲執

冰而踞

言無戰心也冰積九蓋或云積九是箭筈其蓋可以取飲

遂逐之

逐公徒

孟氏使

登西北隅以望季氏見叔孫氏之旌以告孟氏執郈昭

伯殺之于南門之西遂伐公徒子家子曰諸臣僞劫君

者而負罪以出君止

使若非君本意者君自可止不出

意如之事君也

不敢不改

意如季平子名

公曰余不忍也與臧孫如墓謀

祭先君且

謀所奔

遂行己亥公孫于齊臧昭伯率從者將盟載書曰

戮力一心好惡同之信罪之有無

信明也處者有罪從者無罪

繆綖

從公無通外內於是公命示子家子子家子曰如此

吾不可以盟羈也不佞不能與二三子同心而以為皆

有罪

從者陷君留者逐君皆有罪也

或欲通外內且欲去君

去君偶負罪出奔不

必綖繆從公

二三子好亡而惡定焉可同也陷君於難罪孰

大焉通外內而去君君將速入弗通何為而何守焉乃

不與盟

子服景伯魯大夫也魯哀公十三年會晉侯吳子於黃

池吳人將以公見晉侯子服景伯言而止既而悔之將

囚景伯景伯曰何也立後於魯矣

何景伯名

將以二乘與六

人從遲速惟命遂囚以還及戶牖

戶牖陳留外黃縣西北東昏城是

謂

太宰詔曰魯將以十月上辛有事於上帝先王季辛而

畢何世有職焉

有職於祭事

自襄以來未之改也

魯襄公

若不

會祝宗將曰吳實然

言魯祝宗將告神云景伯不會坐為吳所囚吳人信鬼故以是恐之

且謂魯不共而執其賤者七人何損焉太宰詒言於王  
曰無損於魯而祇爲名適爲惡名不如歸之乃歸景伯

陽文子爲魯大夫楚惠王以梁與魯陽文子文子辭曰  
梁險而在北境懼子孫之有貳者也夫事君無憾憾則懼  
偪偪則懼貳夫盈而不偪憾而不貳者臣能自壽也不  
知其他縱臣而得以其首領沒懼子孫之以梁之險而  
乏臣之祀也王曰子之仁不忘乎子孫施及楚國敢不  
從子與之賜魯



冊府元龜卷七百三十三

欽定四庫全書

冊府元龜卷七百三十四 宋 王欽若等 撰

陪臣部

智識第三

仲孫湫齊大夫也魯莊公之薨閔公元年仲孫湫來省魯難歸曰不去慶父魯難未已

時慶父亦已還魯

公曰若之何

而去之對曰難不已將自斃

斃陪也

君其待之公曰魯可

取乎對曰不可猶秉周禮周禮所以本也臣聞之國將

亡本必先顛而後枝葉從之魯不棄周禮未可動也君

其務寧魯難而親之親有禮因重固

能重能固則當成之

間携貳

離而相疑者其當因而間之

覆昏亂

覆敗也

霸王之器也又齊湫聘且

言王子帶

前年王子帶奔齊言欲伐之

事畢不與王言

不言子帶事

歸復

命曰未可王怒未息其十年乎不十年王弗召也

管仲齊大夫也僖公七年諸侯盟于甯母謀鄭故也管

仲言於齊侯曰臣聞之招攜以禮懷遠以德

攜離也

德禮

不易無人不懷齊侯修禮於諸侯諸侯官受方物

諸侯官司

各於齊受其方所  
當貢天子之物

鄭伯使其太子華聽命於會言於齊

侯曰洩氏孔氏子人氏此三族者實違君之命

三族鄭  
之大夫

也君若去之以為成我以鄭為內臣君亦無所不利焉

以鄭事齊  
如封內臣

齊侯將許之管仲曰君以禮與信屬諸侯而

以姦終之無乃不可乎子父不奸之謂禮守命共時之

謂信

守君命  
共時事

違此二者姦莫大焉公曰諸侯有討於鄭

未捷今苟有釁從之不亦可乎

子華犯父命  
是其釁隙

對曰君若

綏之以德加之以訓辭而帥諸侯以討鄭鄭將覆亡之

不暇豈敢不懼若總其罪人以臨之

總將領也子華奸父之命即罪人

鄭有辭矣何懼

以大義為辭

且夫合諸侯以崇德也會而列

姦何以示後嗣

列姦用子華

夫諸侯之會其德刑禮義無國

不記記姦之位

位會位也子華為姦人而列在會位將為諸侯所記

君盟替矣

廢替

也作而不記非盛德也

君舉必書雖復齊史隱諱亦損盛德

君其勿許鄭

必受盟夫子華既為太子而求介於大國以弱其國亦

必不免

介因也

鄭有叔詹堵叔師叔三良為政未可間也

齊侯辭馬子華繇是得罪于鄭冬鄭伯使請盟於齊曹

沫為魯將與齊戰三敗北魯莊公與齊桓公盟曹沫執  
匕首劫桓公桓公乃許盡歸魯之侵地沫下壇桓公怒  
欲倍其約管仲曰不可夫貪小利以自快棄信於諸侯  
失天下之援不如與之於是桓公乃遂割魯侵地曹沫  
三戰所亡地盡復予魯齊桓公合諸侯衛人後至公朝  
而與管仲謀伐衛罷朝而入衛姬望見君下堂再請衛  
君之罪公曰吾與衛無故子曷為請對曰妾望見君之  
入也足高氣彊伐國之志也見妾而有動色伐衛也明

日君朝揖管仲而進之管仲曰君舍衛乎公曰仲父安識之管仲曰君之揖朝也恭而言也徐見臣而有慙色臣是以知之公曰善管仲治外夫人治內寡人知終不為諸侯笑矣

東郭郵齊人也齊桓公與管仲闔門而謀伐莒未發而已聞於國矣桓公密謂管仲曰寡人與仲父闔門而謀伐莒未發也而已聞於國其故何也管仲曰國必有聖人桓公曰然夫日之役者有執席食以上視者彼必是

邪

桓公與管仲謀時役人於前乃有執席而食私日上視所以察君也必是人者知君謀

於是乃

令之復役毋復相代

時執席而食者代人入役因得察君今不令相代彼亦知君覺已必

當自來之也

少焉東郭郵至桓公令擯者延而上

擯謂贊引賓客者也

與之分級而上

公以客禮待之故與之分級而上謂使之就賓階也

問焉曰子言

伐莒者乎東郭郵曰然臣也桓公曰寡人不言伐莒而

子言伐莒其故何也東郭郵對曰臣聞之君子善謀而

小人善意

善以意度之也

臣意之也桓公曰子奚以意之東郭

郵曰夫欣然喜樂者鐘鼓之色也淵然清靜者練經之

色也溲然豐滿

心在兵武則氣盛故其貌豐滿

而手足拇動者

中勇外形必應

故手足拇動也

兵甲之色也日者視二君之在臺上也口開而

不闔是言莒也

莒字兩口故二君開口相對即知其言莒也

舉手而指勢當

莒也且臣觀小國諸侯之不服者唯莒於是

惟莒不服於是知之

臣故曰伐莒桓公白善哉以微射明此之謂乎

言以形色之微

知伐國之明

子其坐寡人與子同之

同伐莒之謀也又云齊桓公與管仲謀伐莒謀

未發而聞於國桓公恠之曰與仲父謀伐莒未發而聞於國其故何也管仲對曰國必有聖人也桓公曰譖日

之役者有執躡胎而上視者意者其是邪乃令復役母得相代少頃東郭郵至管仲曰此必是已乃令賓者延

之而上分之而立管仲曰即言伐莒者對曰然管仲曰  
我不言伐莒子何故言伐莒子何以意之對曰臣聞君  
子有三色顯然喜樂者鐘鼓之色愀然清靜者繅經之  
色粲然充盈手足矜者兵革之色也日者臣望君之在  
臺工者粲然充盈手足矜者此兵革之色也君喏而不  
噍喏開噍閉所言者莒也君舉臂而指所當者莒也臣  
切聞諸侯之不服者  
其莒乎臣故言之

晏桓子齊大夫也公孫歸父會齊侯於穀桓子與之言

魯樂桓子告高宣子

桓子晏嬰父  
宣子高固也

曰子家其亡乎懷於

魯矣

子家歸父  
字懷思也

懷必貪貪必謀人謀人亦謀已一國謀

之何以不亡

後歸父  
奔齊

晏平仲齊大夫也晉欒盈奔楚魯襄公二十二年秋盈

自楚適齊晏平仲言於齊侯曰商任之會受命於晉

受錮

欒氏之命今納欒氏將安用之小所以事大信也失信不立

君其圖之弗聽退告陳文子曰君人執信臣人執共忠

信篤敬上下同之天之道也君自棄也弗能久矣欒盈

猶在齊晏子曰禍將作矣齊將伐晉不可以不懼

明年齊伐

晉齊侯自衛將遂伐晉平仲曰君恃勇力以伐盟主若

不濟國之福也不德而有功憂必及君襄公二十八年

慶封患子雅子尾之怒使析歸父告晏平仲

欲與共謀子雅子尾

平仲曰嬰之衆不足用也知無能謀也言弗敢出

不敢洩謀

有盟可也子家曰子之言云

子家析歸父

又焉用盟告北郭

子車

子車齊大夫

子車曰人各有以事君非佐之所能也

子佐

車名又昭公三年齊公孫竈卒

竈子雅

司馬竈見平仲

司馬竈齊

大夫曰又喪子雅矣平仲曰惜也子旗不免殆哉

以旗不臣

姜

族弱矣而媯將始昌

媯陳氏

二患競爽猶可

子雅子尾皆齊惠公之孫

也競強也

又弱一个

一作介

焉姜其危哉齊侯伐北燕將

約簡公

簡公北燕伯三年出奔齊

晏子曰不入燕有君矣民不二吾

君賄左右諂諛作大事不以信未嘗可也又高子問晏

子曰子事靈公莊公景公皆敬子三君之心一邪夫子

之心三邪對曰善哉問事君嬰一心可以事百君三心

不可以事一君故三君之心非一心也而嬰之心非三

心也且嬰之於靈公也盡復而不能立之政所謂僅全

其四支以從其君者也及莊公陳武夫尚勇力欲辟勝

於邪而嬰不能禁故退而野處嬰聞之言不用者不受

其祿不理其事者不與其難吾於莊公行之矣今之君  
輕國而重樂薄於民而厚於養籍歛過量使令過任而  
嬰不能禁庸知能全身以事君乎又晉叔向問晏子曰  
齊國之治衰矣今子若何晏子對曰嬰聞之事明君者  
竭心力以沒其身行不逮則退不以誣持祿事情惰君者  
優游其身以沒其世力不能則去不以諛持危且嬰聞  
君子之事君也進不失忠退不失行不苟合以隱志可  
謂不失忠不持利以傷廉可謂不失行叔向曰善哉詩

有之曰進退惟谷其此之謂歟叔向又問曰事君之倫徒處之義奚如晏子曰事君之倫知慮足以安國譽厚足以道君和柔足以懷衆不廉上以為名不倍民以為行上也潔於治己不飾過以求先不讒諛以求進不阿所私不誣所能次也盡力守職不敢怠奉官從上不敢惰畏上故不苟忌罪故不辟下也三者事君之倫也及夫大賢則徒處與有事無擇也隨時宜者也有所謂君子者能不足以補上退處不順上治唐園考菲履共恤

上令第長鄉里不夸言不愧行君子也不以上為本不以民為憂內不恤其家外不顧其交夸言愧行自勤於饑寒不及醜儕命之曰狂辟之民明上之所禁也進不能及上退不能獨處作窮於富利之門畢志於畝畝之業窮通行無常處之慮佚於心利通不能窮業不成命之曰處封之民明上之所誅也有知不足以補君有能不足以勞民俞身徒處謂之傲上苟進不擇所道苟得不知所惡謂之亂賊身無以與君能無以勞民飾徒

處之義揚輕上之名謂之亂國明君在上三者不免罪  
叔向曰賢不肖性夫吾每有問而退未嘗自得也又公  
孫接田開疆古冶子事景公以勇力搏虎聞晏子過而  
趨三子者不起晏子入見公曰臣聞明君之蓄勇力之  
士也上有君臣之義下有長率之倫內可以禁暴外可  
以威敵上利其功下服其勇故尊其位重其祿今君之  
蓄勇力之士也上無君臣之義下無長率之倫內不可  
以禁暴外不可以威敵危國之器也不若去之公曰三

子者搏之恐不得刺之恐不中也晏子曰此皆力攻勦敵之人也無長幼之禮因請公使人少餽之二桃曰三子何不計功而食桃公孫接仰天而歎曰晏子智人也夫使公之計吾功者不受桃是無勇也士衆而桃寡何不計功而食桃矣接一搏特豬而再搏乳虎若接之功可以食桃而無與人同矣援桃而起田開疆曰吾伏兵而卻三軍者再若開疆之功亦可以食桃而無與人同矣援桃而起古冶子曰吾嘗從君濟於河鼃銜左驂以

入砥柱之流當是時也治少不能游潛行逆流百步順  
流九里得龜而殺之左操驂尾右挈龜頭鶴躍而出津  
人皆曰河伯也若治視之則大龜之首也若治之功者  
亦可以食桃而無與人同矣二子者何不反桃抽劍而  
起公孫接田開疆曰吾勇不子若功不子逮取桃不讓  
是貪也然而不死無勇也皆反其桃挈領而死古治子  
曰二子死之治獨生之不仁夫恥人以言而夸其聲不  
義恨乎所行而不死無勇雖然二子同桃而節治專桃

而宜亦反其桃挈領而死侍者復曰已死矣殮之以服  
葬之以士禮焉

陳文子齊大夫也襄二十四年齊侯伐晉而懼將欲見

楚子楚子使遠啓疆如齊聘且請期請會期齊社蒐軍實

使客觀之

祭社因闕數軍器以示遠啓疆

文子曰齊將有寇吾聞之兵

不戢必取其族

戢藏也族類也取族還自害也

苑何忌齊大夫也昭公二十年齊侯使公孫青聘于衛

既出聞衛亂使請所聘及衛告寧于齊且言子石

子石公孫

青言具  
有禮

齊侯將飲酒徧賜大夫曰二三子之教也

喜青  
敬衛

侯苑何忌辭曰與於青之賞必及於其罰

言青若有罪  
亦并受其罰

在康誥曰父子兄弟罪不相及

尚書  
康誥

況在羣臣臣敢貪

君賜以干先王乎

言受賜則犯  
康誥之義

騶忌子齊大夫也魏惠王圍邯鄲趙求救於齊齊威王

召大臣而謀曰救趙孰與勿救騶忌子曰不如勿救段

干朋曰不救則不義且不利威王曰何也對曰夫魏氏

并邯鄲其於齊何利哉且夫救趙而軍其郊是趙不伐

而魏全也故不如南攻襄陵以弊魏邯鄲拔而乘魏之  
弊威王從其計一說魏伐趙趙與韓親共擊魏趙不利  
戰於南梁韓氏請救於齊齊宣王召大臣而謀曰蚤救  
孰與晚救駟忌子曰不如勿救田忌曰弗救則韓且折  
而入于魏不如蚤救之孫子曰夫韓魏之兵未弊而救  
之是吾代韓受魏之兵顧反聽命於韓也且魏有破國  
之志韓見亡必東面而愬於齊矣吾因深結韓之親而  
晚受魏之弊則可重利而得尊名也宣王曰善乃陰告

韓之使者而遣之韓因恃齊五戰不勝而東委國於齊

齊因起兵使田忌田嬰將

徐廣曰嬰一作盼

孫子為帥救韓趙

以擊魏大敗之馬陵殺其將龐涓虜魏太子申

又國策云南梁

之難韓氏請救於齊田侯召大臣而謀曰早救之孰與晚救之便張丐對曰晚救之韓且折而入魏不如早救之便田忌曰不可夫韓魏之兵未弊而我救之是我代韓而受魏之兵顏反聽命於韓也且夫魏有破韓之志韓見其亡必東懟於齊我因陰結韓之親而晚承魏之弊則國可重利可得名可尊矣田侯曰善乃陰告韓氏使者而遣之韓自以專有齊國五戰五不勝東懟於齊齊因起兵擊魏大敗之馬陵魏破韓弱韓魏之君因田嬰北面而朝田侯田侯齊宣王也

田文齊公子號孟嘗君初趙王封孟嘗君以武城孟嘗君擇舍人以為武城吏而遣之曰鄙語豈不曰借車者馳之借衣者被之哉皆對曰有之孟嘗君曰文甚不取也夫所借衣車者非親友則兄弟也夫馳親友之車被兄弟之衣文以為不可今趙王不知文不肖而封之以武城願大夫之任也毋伐樹木毋發屋室訾然使趙王悟而知文也

宮之竒虞大夫也僖公五年晉侯復假道於虞以伐虢

宮之竒諫曰號虞之表也號亡虞必從之晉不可啓寇

不可翫

翫習也

一之謂甚其可再乎

為二年假晉道滅下陽

諺所謂

輔車相依唇亡齒寒者其虞號之謂乎

輔頰輔車牙車

公曰晉

吾宗也豈害我哉對曰太伯虞仲太王之昭也太伯不

從是以不嗣

太伯虞仲皆太王之子不從父命俱讓適吳仲雍支子別封西吳虞公其後也穆生

昭昭生穆以世次計之

故太伯虞仲於周為昭號仲號叔王季之穆也

王季者太伯虞

仲之母弟也號仲號叔王季之子

文王之母弟也仲叔皆號君字為文王卿士勳在王

室藏於盟府

盟府盟之官

將號是滅何愛於虞且虞能親於

桓莊乎其愛之也桓莊之族何罪而以為戮不唯偏乎

桓叔莊伯之族晉獻公之從祖昆弟獻公患其偏盡殺之親以寵偏猶尚害之况以

國乎公曰吾享祀豐潔神必據我據安也對曰臣聞之鬼

神非人實親唯德是依故周書曰皇天無親唯德是輔

周書逸書又曰黍稷非馨明德惟馨馨香之遠聞又曰民不易物

惟德馨物黍稷牲玉無德則不見享有德則見享言物一而用異如是則非德民

不和神不享矣神所憑依將在德矣若晉取虞而明德

以薦馨香神其吐之乎弗聽許晉使宮之竒以其族行

行去也

曰虞不臘矣

臘歲終祭衆神之名

在此行也晉不更舉矣

晉伐

號之役師出於虞宮之奇諫而不聽出謂其子曰虞將亡矣惟忠信者能留外寇而不害除閭以應外謂之忠定身以行事謂之信今君施其所惡於人闔不除矣貪賄滅親身不定矣夫國非忠不立非信不固既不忠信而留外寇人知其讐而歸圖焉已自拔其本矣何以能久吾不去懼及焉因以其孥適西山三月虞乃亡

公孫枝秦大夫也僖公九年晉惠公入秦伯謂公孫枝

曰夷吾其定乎

公孫枝秦大夫子桑也

對曰臣聞之唯則定國詩

曰不識不知順帝之則文王之謂也

詩大雅帝天也則法也言文王闔行

自然合天之法

又曰不僭不賊鮮不為則

僭過差也賊傷害也

則無好無惡不忌不克之謂也。今其言多忌克，既僭而賊難

哉。言能自定難公曰：忌則多怨，又焉能克？是吾利也。僖十三年

晉荐饑，荐饑皆不熟使乞糴于秦。秦伯謂子桑子與諸乎？

對曰：重施而報，君將何求？言不損秦也重施而不報，其民必

攜攜而討，焉無衆？必敗。不義故民離謂百里與諸乎？百里秦大夫

對曰：天災流行，國家代有，救災恤鄰，道也。行道有福。

百里奚，秦大夫也。僖公二十三年，秦伯將襲鄭，輕行疾至不戒

以入曰：襲百里子與蹇叔子諫曰：千里而襲人，未有不亡者。

也行疾不假途變必生道遠多險阻遭變必亡

秦伯怒曰若爾之年者宰上

之木拱矣

宰冢也拱可

爾曷知師出百里子與蹇叔子

送其子而戒之曰爾即死必於殽之嶽巖是文王之所

辟風雨者也

其處險阻隘勢一人可要百故文王之驅馳常若辟風雨襲鄭所當繇也

過吾

將尸爾焉

在床曰尸在棺曰柩

子揖師而行

揖其父子師中介冑不拜為其拜如尊

百里子與蹇叔子從其子而哭之秦伯怒曰爾曷為哭

吾師對曰臣非敢哭君師哭臣之子也

言恐臣先死子不見臣故先哭

之弦高者鄭商也

鄭商賈人

僖三十三年遇之殽矯以鄭伯

之命而犒師焉

詐稱曰犒犒勞也見其軍於非常不似君子恐見虜掠故生意犒君命勞之

或曰往矣或曰反矣

軍中語也時以為鄭實使弦高來犒之或以為鄭伯已知將見襲必

設備不如還或曰緒也當遂往之

然而晉人與姜戎要之穀而擊之匹

馬隻輪無反者

繞朝秦大夫也文公十三年晉使魏壽餘偽以魏叛者

以誘士會秦伯師于河西魏人在東壽餘曰請東人之

能與夫二三有司言者吾與之先

欲與晉人在秦者使共先告諭魏有司

士會士會辭曰晉人虎狼也若背其言臣死妻子為戮

無益於君不可悔也秦伯曰若背其言所不歸爾孥者

有如河

言必歸其妻子明白如河

士會往繞朝贈之以策

策馬撻別投之馬撻

并示已所策以展情

日子無謂秦無人吾謀適不用也

示已覺其情

既

濟魏人譟而還秦人歸其孥

后子秦大夫也昭公元年奔晉見趙孟趙孟曰吾子其

曷歸

問何時當歸

對曰鍼懼選於寡君是以在此將待嗣君

趙孟曰秦君何如對曰無道趙孟曰亡乎對曰何為一

世無道國未艾也

艾絕也

國於天地有與立焉

言欲輔助之者多

不數世淫弗能斃也趙孟曰天乎對曰有馬趙孟曰

其幾何對曰鍼聞之國無道而年穀和熟天贊之也贊助

也

鮮不五稔

鮮少也少高當歷五年多則不啻

趙孟視陰曰朝夕不相

及誰能待五

陰日景也趙孟意衰以日景自喻故言朝夕不相及誰能待五

后子出而

告人曰趙孟將死矣主民翫歲而愒日

翫愒皆貪也

其與幾

何言不能久

甘茂事秦武王為左丞相武王三年謂甘茂曰寡人欲

容車通三川以窺周室而寡人死不朽矣甘茂曰請之

魏約以伐韓而令向壽輔行甘茂至謂向壽曰子歸言  
之於王曰魏聽臣矣然願王勿伐事成盡以為子功向  
壽歸以告王王迎甘茂於息壤甘茂至王問其故對曰  
宜陽大縣也上黨南陽積之久矣名曰縣其實郡也今  
王倍數險行千里而攻之難矣昔曾參之處費魯人有  
與曾參同姓名者殺人人告其母曰曾參殺人其母織  
自若也頃之一人又告其母曰曾參殺人其母尚織自  
若也頃又一人告之曰曾參殺人其母投杼下機踰牆

而走夫以曾參之賢與其母之信也三人疑之其母懼  
焉今臣之賢不若曾參王之信臣又不若曾參之母信  
曾參也疑臣者非特三人臣恐大王之投杼也始張儀  
西并巴蜀之地北開西河之外南取上庸天下不以多  
張子而以賢先王魏文侯令樂羊將而攻中山三年而  
拔之樂羊返而論功文侯示之謗書一篋樂羊再拜稽  
首曰此非臣之功也主君之力也今臣羈旅之臣也樗  
里子公孫奭二人者挾韓而議之王必聽之是王欺魏

王而臣受公仲侈

馮一作

之怨也王曰寡人不聽也請與

子盟於是與之盟於息壤卒使丞相甘茂將兵伐宜陽  
五月而不拔樗里子公孫奭果爭之武王召甘茂欲罷  
兵甘茂曰息壤在彼王曰有之因大悉起兵使甘茂擊  
之斬首六萬遂拔宜陽韓襄王使公孫侈入謝與秦平  
武王竟至周而卒于周

甯莊子衛大夫也衛大旱卜有事於山川不吉

有事甯祭也

莊子曰昔周饑克殷而年豐今邢方無道諸侯無伯

伯長

也  
天其或者欲使衛討邢乎從之師興而雨

甯武子衛大夫也僖公三十一年衛成公夢康叔曰相

奪予享

相夏后啓之孫居帝丘享祭也

公命祀相武子不可曰鬼神非

其族類不歆其祀

歆猶享也

祀鄆何事

言祀鄆夏後自當祀相

相之不

享於此久矣非衛之罪也

言帝丘久不祀相非衛所絕

不可以間成

王周公之命祀

諸侯受命各有常祀

請改祀命

改祀相之命

從之

右宰穀襄公二十六年衛獻公出奔求復國於甯喜甯

喜告右宰穀右宰穀曰不可獲罪於兩君

前出獻公今弑剽

天

下誰畜之

畜猶容也

悼子曰吾受命於先人不可以貳

悼子寧喜

也穀曰我請使馬而觀之

觀之可還否

遂見公於夷儀反曰

君淹恤在外十二年矣

淹久也

而無憂色亦無寬言猶夫

人也

言其為人猶如故

若不已死無日矣

已止也

悼子曰子鮮在

右宰穀曰子鮮在何益多而能亡於我何為

言子鮮為義多不過

出悼子曰雖然弗可以已獻公入而果誅喜

北宮文子衛大夫也初襄公三十一年相衛襄公以如

楚

文子北宮佗襄公獻公子

過鄭印段延勞于棊林如聘禮而以勞

辭

用聘禮而用郊勞之辭

文子入聘

報印段

子羽為行人馮簡子與

子太叔逆客

逆文子

事畢而出言於衛侯曰鄭有禮其數

世之福也其無大國之討乎詩云誰能執熱逝不以濯

詩大雅濯以水濯手

禮之於政如熱之有濯也濯以救熱何患之

有

此以上文子辭

衛侯在楚北宮文子見令尹圍之威儀言於

衛侯曰令尹似君矣將有他志

言語瞻視行步不常

雖獲其志不

能終也詩云靡不有初鮮克有終終之實難令尹其將

不免公曰子何以知之對曰詩云敬慎威儀惟民之則

令尹無威儀民無則焉民所不則以在民上不可以終  
公曰善哉何謂威儀對曰有威而可畏謂之威有儀而  
可象謂之儀君有君之威儀其臣畏而愛之則而象之  
故能有其國家令聞長世臣有臣之威儀其下畏而愛  
之故能守其官職保族宜家順是以下皆如是是以上  
下能相固也衛詩曰威儀棣棣不可選也詩邶風棣棣  
富而闕也選  
也數言君臣上下父子兄弟內外大小皆有威儀也周詩  
曰朋友攸攝攝以威儀詩大雅攸所  
也攝佐也言朋友之道必相

教訓以威儀也周書數文王之德曰

逸書

大國畏其力小

國懷其德言畏而愛之也詩云不識不知順帝之則言

則而象之也

大雅又言文王行事無所斟酌惟在則象上天

紂囚文王七年諸

侯皆從之囚紂於是懼而歸之可謂愛之文王伐崇再

駕而降為臣

文王聞崇德亂而伐之三旬不降退修教而復伐之因壘而降

蠻夷帥服

可謂畏之文王之功天下誦而歌舞之可謂則之文王

之行至今為法可謂象之有威儀也故君子在位可畏

施舍可愛進退可度周旋可則容止可觀作事可法德

行可象聲氣可樂動作有文言語有章以臨其下謂之  
有威儀也

褚師圍衛大夫也初齊伐晉衛侯乃過中牟中牟人欲  
伐之褚師圍亡在中牟曰衛雖小其君在焉未可勝也

齊師克城而驕其帥又賤城謂夷儀也遇必敗之不如

帥謂東郭書

從齊乃伐齊師敗之

公叔文子衛大夫也定公十三年文子朝而請享靈公

欲令君退見史鮒而告之史鮒史鮒曰子必禍矣子富

臨其家

史鮒

史鮒曰子必禍矣子富

而君貪罪其及子乎文子曰然吾不先告子是吾罪也

君既許我矣其若之何史鮒曰無害子臣可以免

言能執臣

禮

富而能臣必免於難上下同之

言尊卑皆然

戍也驕其已

乎

戍文子之子

富而不驕者鮮吾惟子之見驕而不亡者未

之有也戍必與焉

與禍難

及文子卒衛侯始惡於公叔戍

以其富也公叔戍又將去夫人之黨

靈公夫人南子黨宋朝之徒

夫

人愬之曰戍將為亂於是戍奔魯

目夷宋大夫也字子魚僖公二十一年宋襄公為鹿上之

盟以求諸侯於楚楚人許之公子目夷諫曰小國爭盟  
禍也宋其亡乎幸而後敗諸侯會宋公盟于孟子魚曰  
禍其在此乎君欲已甚其何以堪之於是楚執宋公以  
伐宋會于薄以釋之子魚曰禍猶未也未足以懲君及  
二十二年夏宋公伐鄭子魚曰所謂禍在此矣與楚戰  
於泓宋師敗績公傷股

公孫固宋大夫也晉重耳過宋宋襄公新困兵於楚傷  
於泓聞重耳賢欲得晉援乃以國禮禮於重耳以馬二

十乘公孫固善於舅犯曰宋小國新困不足以求八更  
之大國重耳乃去

西鉏吾宋大夫也成公十八年楚子鄭伯伐宋宋魚石  
復入于彭城宋人患之西鉏吾曰何也若楚人與吾同

惡以德於我吾固事之也不敢貳矣惡謂魚石大國無厭鄙

我猶憾言已事之則以我為鄙邑猶恨不足此吾患也不然而收吾憎使贊其

政謂不同惡魚石而用之使佐政以間吾讐亦吾患也今將崇諸侯之

姦而披其地崇長也謂楚今取彭城以封魚石披猶分也以塞夷庚夷庚吳晉往來

之要道楚封魚石於彭城欲以截吳晉之道逞姦而擣服毒諸侯而懼吳晉

隅吳晉之道故懼擣離也吾庸多矣非吾憂也且事晉何為晉必恤

之言宋常事晉何為顧有此患難

子罕宋大夫也襄公二十七年向戌會諸侯之大夫以

弭兵向戌宋左師左師請賞曰請免死之邑欲宋君稱功加厚賞故謙言免

死之邑也公與之邑六十以示子罕子罕曰凡諸侯小國晉

楚所以兵威之畏而後上下慈和慈和而後能安靖其

國家以事大國所以存也無威則驕驕則亂生亂生必

滅所以亡也天生五材

金木水火土也

民並用之廢一不可誰

能去兵兵之設久矣所以威不軌而昭文德也聖人以

典

謂湯武

亂人以廢

謂桀紂

廢典存亡昏明之術皆兵之繇

也而子求去之不亦誣乎以誣道蔽諸侯罪莫大焉縱

無大討而又求賞無厭之甚也削而投之

削賞左師之書

左師

辭邑向氏欲攻司城

司城子罕

左師曰我將亡夫子存我德

莫大焉又可攻乎君子曰彼已之子邦之司直

詩鄭風司直也

樂喜之謂乎何以恤我我其收之

逸詩恤憂也收取也

向戍之謂

乎善向成能  
知其過

仲幾宗大夫也昭二十五年宗元公將為魯昭公故如

晉請納

公夢太子欒即位於廟已與平公服而相之

平公元公

父且召六卿公曰寡人不佞不能事父兄父兄謂以為

華向

二三子憂寡人之罪也若以羣子之靈獲保首領以沒

唯是搗拊所以藉幹者

搗拊棺中筴林也幹骸骨也

請無及先君欲

損仲幾對曰君若以社稷之故私降昵宴羣臣弗敢知

昵近也降昵宴謂降損

親近宴樂飲食之事若夫宗國之法死生之度先君

有命矣羣臣以死守之弗敢失墜臣之失職常刑不赦

臣不忍其死君命祇辱

言君命必不行適以自辱也

宋公遂行卒於

曲棘

逢滑為陳大夫哀元年吳之入楚也使召陳懷公懷公

朝國人而問焉曰欲與楚者右欲與吳者左陳人從田

無田從黨

都邑之人無田者隨黨而立不知所與故直從所居田在西者居右在東者居左

逢

滑當公而進

不左不右

曰臣聞國之興也以福其亡也以禍

今吳未有福楚未有禍楚未可棄吳未可從而晉盟主

也若以晉辭吳若何公曰國勝君亡非禍而何楚為吳所勝

對曰國之有是多矣何必不復小國猶復況大國乎臣

聞國之興也視臣如傷是其福也如傷恐其亡也以民

為土芥是其禍也芥草也楚雖無德亦不艾殺其民吳日

敵於兵暴骨如芥草生於廣野芥莽然故曰草芥而未見德焉天其或

者正訓楚也使懼而改過禍之適吳其何日之有言至今陳侯

從之

冊府元龜卷七百三十四

欽定四庫全書

子部

冊府元龜卷七百三十五  
六

詳校官中書臣吳瓌

侍讀臣孫球覆勘

總校官庶吉士臣何思鈞

校對官主簿臣汪日贊

謄錄監生臣姜今熙

欽定四庫全書

冊府元龜卷七百三十五

宋王欽若等撰

陪臣部

智識第四

鬬伯比楚大夫也楚武王侵隨

魯桓公六年

使蘧章求成焉

蘧章楚大夫

軍於瑕以待之

瑕隨地

隨人使少師董成

少師隨大夫董

也正鬬伯比言於楚子曰吾不得志於漢東也我則使然

我張吾三軍而被吾甲兵以武臨之彼則懼而協以謀

我故難間也漢東之國隨為大隨張必棄小國

張自侈大也

小國離楚之利也少師侈請羸師以張之

羸弱也

熊率且

比曰季梁在何益

熊率且比楚大夫季梁隨賢臣

鬬伯比曰以為後圖

少師得其君

言季梁之諫不過一見從隨侯卒當以少師為計故云以為後圖二年蔡侯鄭伯會

于鄧始懼楚楚子自此遂盛終於抗衡中國故傳備言其事以終始之

王毀軍而納少師

從伯比之謀

少師歸請追楚師隨侯將許之季梁止之隨侯

懼而修政楚不敢伐

叔伯楚大夫也僖公二十三年成得臣帥師伐陳

成得臣子

也玉討其貳於宋也取焦夷城頓而還子文以為之功使

為令尹叔伯曰子若國何

叔伯楚大夫遂呂臣也以為子玉不任令尹

對曰

吾以靖國也夫有大功而無貴仕

貴仕貴位

其人能靖者與

有幾

為賈楚大夫僖公二十七年楚子將圍宋使子文治兵

於睽

子文時不為令尹故云使治兵習號令也睽楚邑

終朝而畢不戮一人

終朝

自旦及食時也

子玉復治兵於蔿

子玉為令尹故蔿楚邑

終日而畢鞭七

人貫三人耳國老皆賀子文子文飲之酒

賀子玉堪其事

為賈

尚幼後至不賀子文問之對曰不知所賀子之傳政於  
子玉曰以靖國也靖諸內而敗諸外所獲幾何子玉之  
敗子之舉也舉以敗國將何賀焉子玉剛而無禮不可  
以治民過三百乘其不能以入矣苟入而賀何後之有  
潘尫楚大夫也文公十六年楚伐庸自廬以往振廩同  
食往往伐庸也振發也廩倉也同食上下無異饌也次于句澨楚西界也使廬戰黎  
侵庸戰黎廬大夫及庸方城方城庸地上庸縣東有方城亭也庸人逐之囚  
子揚窻意哉黎官屬三宿而逸曰庸師衆羣蠻聚焉不如復

大師還復句且起王卒合而後進師叔曰不可師叔姑

又與之遇以驕之彼驕我怒而後可克先君蚡冒所以

服陘隰也蚡冒楚武王諸父陘隰地名又與之遇七遇皆北軍走唯

神鯨魚人實逐之神鯨魚庸三邑魚復縣今巴東永安縣輕楚故但使三邑人逐之庸

人曰楚不足與戰矣遂不設備楚子乘驛會師于臨品

驛傳車也臨品地名也分為二隊隊部也分為子越自石溪子貝

自伋以伐庸子越關椒也石溪伋入庸道秦人巴人從楚師羣蠻從

楚子盟蠻見楚遂滅庸

申叔時楚大夫也成公十六年晉侯伐鄭鄭人聞有晉師

使告于楚姚句耳與往句耳鄭大夫與往非使也楚子救鄭司馬將

中軍子反令尹將左子重右尹子辛將右公子壬夫遇申子反入

見申叔時曰叔時老師其何如對曰德刑詳義禮信戰

之器也器猶用也德以施惠刑以正邪詳以事神義以建利

禮以順時信以守物民生厚而德正財足則思無邪用利而事

節動不失利則事得其節時順而物成羣生得所上下和睦周旋不逆

動順求無不具下應上各知其極無二心故詩曰立我蒸民

莫匪爾極

蒸衆也極中也詩頌言先王立其衆民無不得中正

是以神降之福時

無災害民生敦厖和同以聽

敦厚厖寵也

莫不盡力以從上

命致死以補其闕

闕戰死也

此戰之所繇克也今楚內棄其

民

不施惠

而外絕其好

義不建利

瀆齊盟

不詳事

而食話言

信不守物

奸時以動

禮不順時周四月今二月妨農業

而疲民以逞

刑不正邪而苟快意

民

不知信進退罪也人恤所底其誰致死

底至也

子其勉之

吾不復見子矣

言其必敗不反

姚句耳先歸子駟問焉對曰其

行速過險而不整速則失志

不思慮也

不整則喪列志失列

喪將何以戰楚懼不可用也戰於鄢陵楚師敗績

遂子馮楚大夫也襄公二十四年楚子伐鄭以救齊門

于東門次于棘澤諸侯還救鄭楚子自棘澤還使遂啟

疆帥師送陳無宇

傳言齊楚固相結也

吳人為楚舟師之役故

在此

夏年召舒鳩人舒鳩人叛楚

舒鳩楚屬國名欲興兵以伐楚也

楚子師於

荒浦

荒浦舒鳩地

使沈尹壽與師祁犁讓之

二子皆楚大夫也

舒鳩

子敬逆二子而告無之且請受盟二子復命王欲伐之

遂子曰不可彼告不叛且請受盟而又伐之伐無罪也

姑歸息民以待其卒

卒終也

卒而不貳吾又何求若猶叛

我無辭有庸乃還

彼無辭我有功明年楚滅舒鳩

遂啓疆楚大夫也齊侯既伐晉而懼將欲見楚子楚子

使遂啓疆如齊聘且請期

請其會

齊社蒐軍實使客觀之

祭社因閱數軍器以示遂啓疆

陳文子曰齊將有寇吾聞之兵不戢必

取其族

戢藏也族類也取族還自害

沈尹戌楚大夫也昭公二十三年楚囊瓦為令尹

囊瓦子囊

之孫子常也代陽句城郢

楚用子囊遺言已築郢城矣今畏吳復增修以自固

沈尹戌曰子

常必亡郢苟不能衛城無益也古者天子守在四夷德及

遠天子卑守在諸侯政卑損諸侯守在四鄰鄰國為守諸侯

卑守在四境裁省慎其四境結其四援結四鄰之國以為援助民狎

其野狎安習也三務成功春夏秋三時之務民無內憂而又無外懼

國焉用城今吳是懼而城於郢守已小矣卑之不獲能

無亡乎不獲守四境昔梁伯溝其公宮而民潰在僖公十八年也民

棄其上不亡何待夫正其疆場修其土田險其走集走集

邊境之壘壘親其民人明其伍候使民有部伍相為候望信其鄰國慎

其官守守其交禮

交接之禮

不僭不貪不懦不耆

懦弱也耆強也

完

其守備以待不虞又何畏矣詩曰無念爾祖聿修厥德

詩大雅無念念也聿述也義取念祖考則述其治德以顯之

無亦監乎若敖蚘冒至

於武文

四君皆楚先君之賢者

土不過同

方百里為一同言未滿一圻

慎其四

境猶未城郢今土數圻

方千里為圻

而郢是城不亦難乎

言守

若是難以為安也定四年吳入楚

寧國楚大夫也楚莊王欲伐陳使人視之使者曰陳不

可伐也莊王曰何故對曰城郭高溝洫深畜積多也寧

國曰陳可伐也夫陳小國而積畜多賦歛重也則民怨上矣城郭高溝洫深則民力罷矣興兵伐之陳可取也莊王聽之遂取陳

孫叔敖楚大夫也狐丘丈人謂孫叔敖

丈人老人而曰居狐丘者

曰

人有三怨子知之乎孫叔敖曰何謂也對曰爵高者士妬之官大者主惡之祿厚者怨處之孫叔敖曰吾爵益高吾志益下吾官益大吾心益小吾祿益厚吾施益博是以免三怨可乎故老子曰必貴而以賤為本必高而

以下為基又孫叔敖疾將死戒其子曰王數封我矣吾

不受也

孫叔敖遂賈之子莊王之令尹也

我死王必封汝汝必無受利

地

人所貪之地

楚越之間寢之邱者此其地不利

人不利之而名

甚惡

謂邱也

荆人鬼而越人機

言荆人畏鬼神越人信吉凶之機

詳此地名邱惡畏

之終不利

可長有者唯此也

唯獨也

孫叔敖死王果以美地封

其子辭而請寢之丘至今不失孫叔敖之知知以不利之為利矣知以人之所惡為己之所善矣此有道者之

所異乎俗也

衆人利利孫叔敖病利

申無宇楚大夫也昭公四年楚子欲遷許於潁使鬬韋

寗與公子棄疾城之而還

為許城也韋寗子文之元孫

申無宇曰楚

禍之首將在此矣召諸侯而來伐國而克城境莫校

謂築

城於外境諸侯無與爭

王心不違民其居乎

言將有事不能安也

民之不處

其誰堪之不堪王命乃禍亂也

椒舉楚大夫也昭公四年申之會楚子示諸侯侈

自奢侈

椒舉曰夫六王二公之事

六王湯武成康穆啓也二公齊桓公晉文公

皆所

以示諸侯禮也諸侯所繇用命也夏桀為仍之會有緡

叛之

仍緡皆國名

商紂為黎之蒐東夷叛之

黎東夷國名

周幽為

大室之盟戎狄叛之

大室中岳

皆所以示諸侯汰也諸侯所

繇棄命也今君以汰無乃不濟乎王弗聽子產見左師

曰吾不患楚矣汰而懷諫

懷恨也

不過十年左師曰然不

十年侈其惡不遠遠惡而後棄

惡及遠方而人棄之

善亦如之德

遠而後興

范無宇楚大夫也楚靈王城陳蔡不羹使僕夫子皙問

於范無宇曰吾不服諸夏而獨事晉何也唯晉近我遠

也今我城三國賦皆千乘亦當晉矣又加以楚諸侯  
其來乎對曰其在志也國為大城未有利者昔鄭有京  
櫟衛有蒲戚宋有蕭蒙魯有卞費齊有渠丘晉有曲沃  
秦有徵衙叔段以京患莊公鄭幾不封櫟人實使鄭子  
不得其位衛蒲戚實出獻公宋蕭蒙實弑昭公魯卞費  
實弱襄公齊渠丘實弑無知晉曲沃實納齊師秦徵衙  
實難桓景皆志於諸侯此其不利者也且夫制城邑若  
體性焉有首領股肱至於指拇毛脉大能掉小故變而

不動地有高下天有晦明民有君臣國有都鄙古之制也先王懼其不帥故制之以義旌之以服行之以禮辯之以名書之以文道之以言既其失也易物之繇夫邊境者國之尾也譬之如牛馬處暑之既至蚤繼之既多而不能掉其尾臣亦懼之不然是三城也豈不使諸侯之心惕惕焉子哲復命王曰是知天咫安知民則是言誕也右尹子革侍曰民天之生也知天必知民矣是其言可以懼哉三年陳蔡及不羹人納橐疾而弑靈王

王子勝楚大夫也昭十八年言于楚子曰許於鄭仇敵

也而居楚地以不禮於鄭

十五年平王復遷邑許自夷遷居葉恃楚而不事鄭晉

鄭方睦鄭若伐許而晉助之楚喪地矣君盍遷許許不

專於楚

自以舊國不專心事楚

鄭方有令政許曰余舊國也

許先鄭封

鄭曰余俘邑也

隱十一年鄭滅許而復存之故曰我俘邑

葉在楚國方城之

外蔽也

為方城外之蔽障

士不可易也

易輕

國不可小

謂

鄭許不可

俘讎不可啓君其圖之楚子說冬楚子使王子勝遷許

於析實白羽

於傳時白羽改為析

士尹池楚大夫也使於宋司城子罕止而觴之南家之

牆隳於前而不直

隳猶出也出於子罕堂前

西家之潦經其宮而不

止

西家地高潦流注于罕之宮而不禁之也

尹池問其故子罕曰南家工人

也為鞞者也

鞞作履之工也

吾將徙之其父曰吾恃為鞞以食

三世矣今徙是宋國之求鞞者不知吾處也吾將不食

願相之憂吾不食也為是故吾不徙之也西家高吾宮

卑潦之徑吾宮也利故不禁也士尹池歸楚適興兵而

將攻宋士尹池諫曰宋不可攻也其主賢其相仁賢者

得民仁者能用人若攻之必無功徒為天下笑耳遂釋  
宋而攻鄭孔子聞之曰夫修之於廟堂之上而折衝乎  
千里之外者其司城子罕之謂乎

藍尹亶楚大夫也子西歎於朝藍尹亶曰吾聞君子惟  
獨居思念前世之崇替與哀殯喪於是有歎其餘則否  
君子臨政思義飲食思禮同宴思樂在樂思善無有歎  
焉今吾子臨政而歎何也子西曰闔廬能敗吾師闔廬  
即世吾聞其嗣又甚焉吾是以歎對曰子患政德之不

修無患矣夫闔廬口不貪嘉味耳不樂逸聲目不淫  
於色身不懷於安朝夕勤志恤民之羸聞一善若驚得  
一士若賞有過必悛有不善必懼是故得民以濟其志  
今吾聞夫差好罷民力以成私好縱過而翳諫一夕之  
宿臺榭陂池必成六畜玩好必從夫先自敗也已焉能  
敗人子修德以待吳吳將斃矣

子西楚大夫也哀公元年吳師在陳楚大夫皆懼曰闔  
廬惟能用其民以敗我於柘舉今聞其嗣又甚焉將若

之何子西曰二三子恤不相睦無患吳矣昔闔廬食不

二味居不重席室不崇壇

平地作室不起壇也

器不彤鏤

彤丹也鏤刻也

宮室不觀

觀臺榭

舟車不飾衣服財用擇不取費

選取堅厚不尚

細靡在國天有菑癘

癘疾疫也

親巡孤寡而共其乏困在軍熟

食者分而後敢食

必須軍士皆分熟食不敢先食分猶徧也

其所嘗者卒乘

與焉

所嘗甘珍非常食

勤恤其民而與之勞逸是以民不能勞

死知不曠

知身死不曠棄

吾先大夫子常易之所以敗我也

易猶反也

今聞夫差次有臺榭陂池焉

積土為高曰臺有木曰榭過再宿曰次

宿有妃嬙嬪御焉

妃嬙貴者嬪御  
賤者皆內官

一日之行所欲必成

玩好必從珍異是聚觀樂是務視民如讐而用之日新

夫先自敗也已安能敗我

范蠡楚臣也齊使甘茂於楚楚懷王新與秦合婚而驩

昭王二年時  
迎婦於楚

而秦聞甘茂在楚使人謂楚王曰願送甘

茂於秦楚王問於范蠡曰

蠡一作  
環

寡人欲置相於秦孰可

對曰臣不足以識之楚王曰寡人欲相甘茂可乎對曰  
不可夫史舉下蔡之監門也大不為事君小不為家室

以苟賤不廉聞於世甘茂事之順焉故惠王之明武王之察張儀之辯而甘茂事之取十官而無罪茂誠賢者也然不可相於秦夫秦之有賢相非楚國之利也且王

前嘗用召滑于越

滑一作涓

而內行章義之難

一云內自章昧之難

越

國亂故楚南塞厲門

一作瀨胡

而郡江東計王之功所以能

如此者越國亂而楚治也今王知用諸越而忘用諸秦臣以王為鉅過矣然則王若欲置相於秦則莫若向壽者可夫向壽之於秦王親也少與之同衣長與之同車

以聽事王必相向壽於秦則楚國之利也於是使使請秦相向壽於秦秦卒相向壽而甘茂竟不得復入秦卒於魏

季札吳大夫也襄公二十九年聘魯見叔孫穆子說之謂穆子曰子其不得死乎

不得以壽死

好善而不能擇人吾

聞君子務在擇人吾子為魯宗卿而任其大政不慎所舉何以堪之禍必及子昭四年豎牛作亂殺穆子遂聘於齊說晏平仲謂之曰子速納邑與政

納歸之于公

無邑無

政乃免於難齊國之政將有所歸未獲所歸難未歇也  
歇盡也故晏子因陳桓子以納政與邑是以免於樂高之

難聘於鄭見子產如舊相識與之縞帶子產獻紵衣焉

大帶也吳地貴縞鄭地貴紵故各獻已所貴示損已而不為彼貨利謂子產曰鄭之執政

侈難將至矣政必及子子為政慎之以禮不然鄭國將

敗侈謂伯有適衛說遽瑗遽伯玉史狗史朝之子史鰌史魚公子荆

公叔發公叔文子公子朝曰衛多君子未有患也自衛如晉

將宿于戚戚孫文子之邑聞鐘聲焉曰異哉吾聞之也辯而不

德必加於戮

辯猶爭也

夫子獲罪於君以在此

孫文子以戚叛

懼猶

不足而又何樂夫子之在此也猶燕之巢于幕上

言至危

君又在殯而可以樂乎

獻公卒未葬

遂去之

不止

文子聞之

終身不聽琴瑟

聞義能徙

適晉說趙文子韓宣子魏獻子曰

晉國其萃於三家乎

言晉國之政將集於三家

說叔向將行謂叔向

曰吾子勉之君侈而多良大夫皆富政將在家

富而厚施政

在吾子好直必思自免於難

李克魏大夫魏武侯之居中山也問於李克曰吳之所

以亡者何也李克曰驟戰而驟勝武侯曰驟戰而驟勝  
國家之福也其亡也何故對曰驟戰則民罷驟勝則主  
驕以驕主使罷民然而不亡者鮮矣驕則恣恣則極物  
罷則極慮上下俱極吳之亡也猶晚

趙奢趙之田部吏也收租稅而平原君家不肯出趙奢  
以法治之殺平原君用事者九人平原君怒將殺奢奢  
因說曰君於趙為貴公子今縱君家而不奉公則法削  
法削則國弱國弱則諸侯加兵諸侯加兵是無趙也君

安得有此富乎以君之貴奉公如法則上下平上下平則國強國強則趙固而君為貴戚豈輕於天下邪平原君以為賢言之於王王用之治國賦國賦太平民富而府庫實

藺相如趙大夫也為上卿位在廉頗之右廉頗曰我為趙將有攻城野戰之大功而藺相如徒以口舌之勞而位居我上且相如素賤人吾羞不忍為之下宣言曰我見相如必辱之相如聞不肯與會相如每朝時常稱病不

欲與廉頗爭列已而相如出望見廉頗相如引車避匿於是舍人相與諫曰臣所以去親戚而事君徒慕君之高義也今君與廉頗同列廉君宣惡言而君畏匿之恐懼殊甚且庸人尚羞之況於將相乎臣等不肖請辭去藺相如固止之曰公之視廉將軍孰與秦王曰不若也相如曰夫以秦王之威而相如廷叱之辱其羣臣相如雖驀獨畏廉將軍哉顧吾念之強秦之所以不敢加兵於趙者徒以吾兩人在也今兩虎共鬪其勢不俱生吾

所以為此以先國家之急而後私讐也廉頗聞之肉袒負荊因賓客至藺相如門謝罪曰鄙賤之人不知將軍寬之至此也卒相與驩為刎頸之交

宋公者趙仇液之客也秦昭王七年樗里子死而使涇陽君質於齊趙人樓緩來相秦趙不利乃使仇液之秦請以魏冉為秦相仇液將行其客宋公謂液曰秦不聽公樓緩必怨公公不若謂樓緩曰請為公毋急秦秦王見趙請相魏冉之不急且不聽公公言而事不成以德

樓子事成魏冉故德公矣於是仇液從之而秦免樓緩而魏冉相秦

甯越趙大夫也齊攻廩丘趙使孔青將兵救之與齊人戰大敗齊將死得車二千得屍二萬以為二京京觀也甯

越謂之曰惜矣不如歸屍以內攻之越聞之古之善戰

莎隨賁服賁置也服則置之卻舍延屍卻舍以緩其民使得收之車甲盡於

戰府庫竭於葬此之謂內攻之孔青曰敵齊不屍則如何甯越曰不然彼戰而不勝其罪一與人出而不與之

入其罪二與之屍而不取其罪三民以此三者怨其上則上無以使下下無以事上是之謂重攻之窳越可謂知用文武矣

商文事魏吳起謂商文曰事君果有命矣夫商文曰何謂也起曰治四境之內成馴教變習俗使君臣有義父子有親子與我孰賢商文曰吾不若子曰今日置質為臣其主安重今日釋璽辭官其主安輕子與我孰賢商文曰吾不若子起曰士馬成列馬與人敵人在馬前援

桴一鼓使三軍之士樂死若生子與我孰賢商文曰吾不若子起曰三者子皆不吾若也位則在吾上命也未事君商文曰善哉亦問子世變主少羣臣相疑黔首不定屬之子乎屬之我乎起默然不對少頃乃曰吾不若子商文曰是吾所以加於子之上矣

魏敬魏臣也初秦王立帝宜陽令計綰誕魏王將入秦魏敬謂魏王曰以河內孰與梁重王曰梁重又曰梁孰與身重王曰身重若使秦求河內則王將與之乎王曰

不與魏敬曰河內三論之下也秦索其下而王不聽之  
臣竊不取也王曰善乃輟行

公子無忌魏信陵君也無忌與魏王博而北境傳舉烽

言趙寇至且入界

作高木櫓櫓上作桔槔頭兜零以薪  
置其中謂之烽常眠之有寇即火燃

舉之以魏王釋博欲召大臣謀公子止王曰趙王田獵  
相告

耳非為寇也復博如故王恐心不在博居頃復從北方  
來傳言曰趙王獵矣非為寇也魏王大驚曰公子何以  
知之公子曰臣之客有能探得趙王陰事者趙王所為

容輒以報臣臣以此知之是後魏王畏公子之賢能不  
敢任公子以國政又齊楚相約而攻魏秦昭王救之故  
欲親秦而伐韓以求故地無忌謂魏王曰秦與戎翟同  
俗有虎狼之心貪戾好利無信不識禮義德行苟有利  
焉不顧親戚兄弟若禽獸耳此天下之所識也非有所  
施厚積德也故太后母也而以憂死穰侯舅也功莫大  
焉而竟逐之兩弟無罪而再奪之國此以親戚若此而  
況於仇讐之國乎今王與秦共伐韓而益近秦患臣甚

惑之而王不識則不明羣臣莫以聞則不忠今韓氏以一女子奉一弱主內有大亂外交強秦魏之兵王以為不亡乎韓亡秦有鄭地與大梁隣王以為安乎王欲得故地今負強秦之親王以為利乎秦非無事之國也韓亡之後必將更事更事必就易與利就易與利必不伐楚與趙矣是何也夫越山踰河絕韓上黨而攻強趙是復闕與之事秦必不為也若道河內倍鄴朝歌絕漳釜水與趙兵決於邯鄲之郊是知伯之禍也秦又不敢伐楚道

涉山谷行三千里而攻鄢郢之塞

楚之險塞也或以為今江夏鄢縣

所以

行甚遠所攻甚難秦又不為也若道河外倍大梁右蔡

左召陵與楚兵決陳郊秦又不敢故曰秦必不伐楚與

趙矣又不攻衛與齊矣夫韓亡之後兵出之日非魏無

攻已秦固有懷茅

在修武縣有茅亭

邢邱

在平

城垝津以臨河

內河內其汲必危

汲縣屬河內

有鄭地

成臯滎陽亦屬鄭

得垣雍

垣

城在卷縣卷縣屬魏地卷縣又有長城經陽武到密者也

決滎澤水大梁大梁必亡

王之使者出過而惡安陵氏於秦

召陵有安陵郡征羌有安陵亭也

秦

之欲誅之久矣秦葉陽昆陽與舞陽鄰聽使者之惡之  
隨安陵氏而亡之繞舞陽之北以東臨許南國必危國  
無害已夫憎韓不愛安陵氏可也夫不患秦之不愛南

國非也異日者秦在河西晉國去梁千里

魏國之界千里入云河南

梁縣有注城

有河山以闡之有周韓以間之從林鄉軍

林鄉在宛

縣以至于今秦七攻魏五入囿中

一作城中

邊城盡拔文臺

墮垂都焚

一云魏山都焚  
句陽有垂亭

林木伐麋鹿盡而國繼以圍

又長驅梁北東至陶衛之郊北至平監

平縣屬河南平  
或作乎字史記

齊闕止作監字闕  
在東平須昌縣

所亡於秦者山南山北河外河內大

縣數十

一作百

名都數百

一作十

秦乃在河西晉去梁千里

而禍若是矣又况於使秦無韓有鄭地無河山而闕之  
無周韓而間之去大梁百里禍必繇此矣異日者從之  
不成也楚魏疑而韓不可得也今韓受兵三年秦橈之  
以講識亡不聽投質于趙請為天下鴈行頓刃楚趙必  
集兵皆識秦之欲無窮也非盡亡天下之國而臣海內  
必不休矣是故臣願以從事王王速受楚趙之約趙挾

韓之質以存韓而求故地韓必效之此士民不勞而故地得其功多於與秦共伐韓而又免與彊秦鄰之禍也夫存韓安魏而利天下此亦王之天時已通韓上黨於共

甯

朝歌有甯鄉

使道安成出入賦之是魏重質韓以其上黨

也今有其賦足以富國韓必德魏愛魏重魏畏魏韓必不敢反魏是韓則魏之縣也魏得韓以為縣衛大梁河外必安矣今不存韓二周安陵必危楚趙大破衛齊甚畏天下西鄉而馳秦入朝而為臣不久矣

惠施魏人也齊魏戰於馬陵齊大勝魏殺太子申覆十萬之軍魏王召惠施而告之曰夫齊寡人之讐也怨之至死不忘國雖小吾嘗欲悉起兵而攻之何如對曰不可臣聞之王者得度而霸者知計今王所以告臣者疏於度與計王固先屬怨於趙而後與齊戰今戰不勝國無守戰之備王又欲悉起兵而攻齊此非臣之所諭也王若欲報齊乎則不如因變服折節而朝齊楚王必怒矣王游人而令其鬪則楚必伐齊以休楚而伐罷齊則

必為楚擒矣是王以楚致齊也王曰善乃使人報於齊  
願臣畜而朝田嬰許諾張尹曰不可戰不勝魏而得朝  
禮與魏和而下楚此可以大勝也今戰勝魏覆十萬之  
軍而擒太子申臣萬乘之魏而卑秦楚此其於暴戾矣  
且楚王之為人也好用兵而甚務名終為齊患者必楚  
也田嬰不聽遂內魏王而與之竝朝齊使再至趙氏醜  
之楚王怒自將而伐齊趙應之大敗齊於徐州

虞卿趙上卿也秦趙戰於長平趙不勝亡一都尉趙王

召樓昌與虞卿曰軍戰不勝尉復死

復一作係

寡人使束甲

而趨之何如樓昌曰無益也不如發重使為媾

右后切求和曰

媾虞卿曰昌言媾者以為不媾軍必破也而制媾者在

秦且王之論秦也欲破趙之軍乎不邪王曰秦之不遺

餘力矣必且欲破趙軍虞卿曰王聽臣發使出重寶以

附楚魏楚魏欲得王之重寶必內吾使趙使入楚魏秦

必疑天下之合從且必恐如此則媾乃可為也趙王不

聽與平陽君為媾發鄭朱入秦秦內之趙王召虞卿曰

寡人使平陽君為媾於秦秦已內鄭朱矣卿以為奚如  
虞卿對曰王不得媾軍必破矣天下賀戰勝者皆在秦  
矣鄭朱貴人也入秦秦王與應侯必顯重以示天下楚  
魏以趙為媾必不救王秦知天下不救王則媾不可得  
成也應侯果顯鄭朱以示天下賀戰勝者終不肯媾長  
平大敗遂圍邯鄲為天下笑秦既解邯鄲圍而趙王入  
朝王入朝使趙郝音釋一作攻約事於秦割六縣而媾虞卿  
謂趙王曰秦之攻王也倦而歸乎王以其力尚能進愛

王而弗攻乎王曰秦之攻我也不遺餘力矣必以倦而歸也虞卿曰秦以其力攻其所不能取倦而歸王又以其力之所不能取以送之是助秦自攻也來年秦復攻王王無救矣王以虞卿之言告趙郝趙郝曰虞卿誠能盡秦力之所至乎誠知秦力之所不能進此彈丸之地弗與今秦來年復攻王王得無割其內而媾乎王曰請聽子割矣子能必使來年秦之不復攻我乎趙郝對曰此非臣之所敢任也他日三晉之交於秦相善也今秦

善韓魏而攻王王之所以事秦必不如韓魏也今臣為  
足下解負親之攻開關道幣齊交韓魏至來年而王獨  
取攻於秦此王之所以事秦必在韓魏之後也此非臣  
之所敢任也王以告虞卿虞卿對曰郝言不媾來年秦  
復攻王王得無割其內而媾乎今媾郝又以不能必秦  
之不復攻也今雖割六城何益來年復攻又割其力之  
所不能取而媾此自盡之術也不如無媾秦雖善攻不  
能取六縣趙雖不能守終不失六城秦倦而歸兵必罷

我以六城收天下以攻罷秦是我失之於天下而取償於秦也吾國尚利孰與坐而割地自弱以強秦哉今郝曰秦善韓魏而攻趙者必以為韓魏不救趙也而王之軍必孤有以王之事秦不如韓魏也是使王歲以六城事秦也即坐而城盡來年秦復求割地王將與之乎弗與是棄前功而挑秦禍也與之則無地而給之語曰强者善攻弱者不能守今坐而聽秦秦兵不弊而多得地是強秦而弱趙也以益強之秦而割愈弱之趙其計故

不止矣且王之地有盡而秦之求無已以有盡之地而給無已之求其勢必無趙矣趙王計未定樓緩從秦來趙王與樓緩計之曰子秦地何如母予孰高緩辭讓曰此非臣之所能知也王曰雖然試言公之私樓緩對曰王亦聞夫公甫文伯母乎公甫文伯仕於魯病死女子為自殺於房者二人其母聞之弗哭也其相室曰焉有子死而弗哭者乎其母曰孔子賢人也逐於魯而是人不隨也今死而婦人為之自殺者二人若是者必其於

長者薄而於婦人厚也故從母言之是為賢母從妻言之是必不免為妬妻故其言一也言者異則人心變矣今臣新從秦來而言勿予則非計也言予之恐王以臣為秦也故不敢對使臣得為大王計不如與之王曰諾虞卿聞之入見王曰此飾說也王音徐廣曰春音慎勿予樓緩聞之往見王王又以虞卿之言告樓緩對曰不然虞卿得其一不得其二夫秦趙構難而天下皆說何也曰吾且因強而乘弱矣今趙兵困於秦天下之賀戰勝者則

必盡在於秦矣故不如亟割地為和以疑天下而慰秦之心不然天下將因秦之強怒乘趙之弊瓜分之趙且亡何秦之圖乎故曰虞卿得其一不得其二願王以此決之勿復計也虞卿聞之往見王曰危哉樓子之所以為秦者是愈疑天下而何慰秦之心哉獨不言其示天下弱乎且臣言勿予者非固勿予而已也秦索六城於王而王以六城賂齊齊秦之深讎也得王之六城并力西擊秦齊之聽王不待辭之畢也則是王失之於齊而

取償於秦也而齊趙之深讐可以報矣而示天下有能為也王以此發聲兵未窺於境臣見秦之重賂至趙而反媾於王也從秦為媾韓魏聞之必盡重王重王必出重寶以先於王則是王一舉而結三國之親而與秦易道也趙王曰善則使虞卿東見齊王與之謀秦虞卿未反秦使者已在趙矣樓緩聞之亡去趙於是封虞卿以一城居頃之而魏請趙王為從趙孝成王召虞卿謀過平原君平原君曰願卿之論從也虞卿入見王王曰魏

請為從對曰魏過

古卧切

王曰寡人固未之許對曰王過

王曰魏請從卿曰魏過寡人未之許又曰寡人過然則從終不可乎對曰臣聞小國之與大國從事也有利則大國受其福有敗則小國受其禍今魏以小國請其禍而王以大國辭其福臣故曰王過魏亦過竊以為從便王曰善乃合魏為從

段規韓康子臣也趙葭魏宣子臣也張孟談趙襄子臣也知伯帥趙魏而伐范中行氏滅之休數年使人請地

於韓韓康子欲勿與段規諫曰不可夫知伯之為人也好利而鷙懷來請地不與必加兵於韓矣君其與之與之彼丑又將請地於他國他國不聽必鄉之以兵然則韓可以免於患難而待事之變康子曰善使使者致萬家之邑一於知伯知伯說又使人請地於魏魏宣子欲弗與趙葭諫曰彼請地於韓韓與之請地於魏魏弗與則是魏內自強而外怨知伯也然則其錯兵於魏必矣不如與之宣子曰諾因使人致萬家之邑一於知伯知

伯說又使人之趙請蔡皋狼之地趙襄子弗與知伯因陰結韓魏將以伐趙趙襄子召張孟談而告之曰夫知伯之為人陽親而陰疏三使韓魏而寡人弗與焉其移兵寡人必矣今吾安居而可張孟談曰夫董閼安於簡主之才臣也世治晉陽而尹鐸循之其餘政教猶存君其定晉陽君曰諾乃使延陵王將車騎先之晉陽君因從之至行城郭案府庫視倉廩召張孟談曰吾城郭之完府庫足用倉廩實矣無矢奈何張孟談曰臣聞董子

之治晉陽公宮之垣皆以狄蒿苦楚牆之其高至丈餘  
君發而用之於是發而試之其堅則籟籟之勁不能過  
也君曰矢足矣吾銅少張孟談曰臣聞董子之治晉陽  
也公宮之室皆以鍊銅為柱質請發而用之則有餘銅  
矣君曰善號令以定備守以具三國之兵乘晉陽城遂  
戰三月不能拔因舒軍而圍之決晉水而灌之圍晉陽  
三年城中巢居而處懸釜而炊財食將盡士卒羸病襄  
子謂張孟談曰糧食匱城力盡士大夫病吾不能守矣

欲以城下何如張孟談曰臣聞之亡不能存危不能安則無為貴知士也君釋此計勿復言也臣請見韓魏之君襄子曰諾張孟談於是陰見韓魏之君曰臣聞唇亡則齒寒今知伯帥二國之君伐趙趙亡矣亡則君為之次矣二君曰我知其然夫知伯之為人也麤中而少親我謀未遂而知則其禍必至為之奈何張孟談曰謀出二君之口入臣之耳人莫之知也二君即與張孟談陰約三軍與之期日夜遣人晉陽張孟談以報襄子襄子再

拜之張孟談因朝知伯而出遇知過

一云知果

轅門之外知

過入見知伯曰二主殆將有變君曰何如對曰臣遇張孟談於轅門之外其志矜其行高知伯曰不然吾與二主約謹矣破趙三分其地寡人所親之必不欺也子釋之勿出於口知過出見二主人說知伯曰二主色動而意變必背君不如令殺之知伯曰兵著晉陽三年矣旦暮當拔之而嚮其利乃有他心不可子慎勿復言知過曰不殺則遂親之知伯曰親之奈何知過曰魏宣子之

謀臣曰趙葭韓康子之謀臣曰段規是皆能移其君之計君其與二君約破趙則封二子者各萬家之縣一如是則二主之心可不變而君得其所欲矣知伯曰破趙而分其地又封二子者萬家之縣一則吾所得者少不可知過見君之不用也言之不聽出更其姓為輔氏遂去不見張孟談聞之入見襄子曰臣遇知過於轅門之外其視有疑臣之心入見知伯出更其姓今暮不擊必後之矣襄子曰諾使張孟談見韓魏之君曰夜期教守

堤之吏而決水灌知伯軍知伯軍救水而亂韓魏翼而擊之襄子將卒犯其前大敗知伯軍而擒知伯知伯身死國亡地分為三而天下笑此貪欲無厭也夫不聽知過亦所以亡也知氏盡滅惟輔氏存焉三晉已破知氏將分其地段規謂韓王曰分地必取成臯韓王曰成臯石溜之地也寡人無所用之段規曰不然臣聞一里之厚而動千里之權者地利也萬人之衆而破三軍者不意也王用臣言則韓必取鄭矣王曰善東取成臯至韓

之取鄭也果從成臯

冊府元龜卷七百三十五